

CHINESE - JAPANESE LIBRARY OF
HARVARD - YENCHING INSTITUTE
47 HARVARD UNIVERSITY
OCT 31 1940

T 3203/9265-83

常昭合志

卷三

戶口
物產

田賦

戶口

力役之征三代已然歷傳戶口版籍

綦重矣獨至我

朝康熙間永免滋生人丁之賦爲曠古所未有厥後丁糧

攤入田畝從此販夫牧豎優游於光天化日之下無徵輸

之苦超軼於三代遠矣

萬國初相沿前代尙有五年編審人丁之例今則遞年飭令

查造烟戶冊而已乾隆五十八年欽奉

綸音以現在民數較之康熙四十九年間計增十五倍有

奇承平日久生齒日繁何莫非

聖化之涵濡所致也常熟縣列職方宋元以前版籍蕩然

哈佛大學漢和
圖書館珍藏印

自宋以後詳考舊志列戶口如左析縣昭文亦並見焉

常熟縣 宋淳熙十年戶二萬六千五百二口五萬一千五百

七十 元至正二十七年戶六萬一百九十四口二十四萬

九十五 明洪武四年戶六萬二千二百八十五口二十四

萬七千一百四 九年戶六萬一千二百一十一口二十六

萬三千四百一十四 永樂十年戶六萬六千三百二十七

口二十九萬六千六十一 宣德七年戶七萬七千六百五

口三十一萬五千九百五十九 正統七年戶七萬六千八

十八口三十四萬七千八百五十五 天順六年戶八萬三

千五百五十八口三十六萬七千六百 成化十八年戶八

萬七千四百四十七口三十八萬一千五百七十七 宏治

五年戶八萬八千四十四口三十八萬五千七百七十七 十年

新設太倉州分去戶一萬五千二百七十口五萬八千六正

德七年戶七萬三千六百四十一口三十八萬一千九百四

十九 萬曆三十二年戶七萬三千六百四十四口三十八

萬三千九百九十 已上舊志所載

丁徭原額

國朝定例人丁五年一編審凡鄉紳舉貢生員得免丁身謂之

優免人丁

賦役全書康熙中改追原報優免人丁與順治十八年新增人丁另徵其銀解部充餉 餘曰

當差人丁每丁科徭里銀每縣各一則輕重不等常熟順治

十四年每丁科徭銀一分五釐

乾隆三十一年戶部奏准各省錢糧銀數以釐為斷米數

以勺為斷尾數一概刪除著為例今志中遵奉辦理不載尾數餘皆倣此

康熙十一年每丁科徭

銀一分二釐零又錢二文四分四釐康熙二十一年定額每

丁科徭銀一分四釐零康熙四十九年每丁科徭銀八釐零

錢一丈一分一釐零又漕項銀五釐零錢一分零康熙五十

二年

恩詔凡徵收錢糧但據康熙五十年丁冊定為常額續生人丁

永不加賦名為盛世滋生戶口其定額丁銀又於雍正六年

題准隨田辦納在案

常熟縣原額人丁一十萬一千五十一丁

內優免人丁八百二十一丁當差人丁每

丁科徭里銀一分五釐零

節年審增人丁二千八百八十三丁增設昭文

縣後本縣分存五萬八千四百九丁

內優免改追人丁四百六十三丁自康

熙二十年至五十年七次審增人丁五千八百一十七丁實

在定額人丁六萬四千二百二十六丁共徵銀九百六十四

兩一錢一分七釐有奇又自康熙五十年起至乾隆元年五

次審增滋生人丁二千二百五十一丁

乾隆元年起扣至五十七年

舊管冊報五十一萬八千四百七十丁口

五十八年新收滋生人丁九千八百三丁口

開除故絕人丁二千一百九十六丁口

實在人丁五十二萬六千七十七丁口

男丁大小共三十萬二千五十九丁

婦女大小共二十二萬三千五百五十八口

昭文縣分管常熟縣原額人丁四萬五千五百二十五丁

內優免改

追人丁三百八十五丁當差人丁科銀與常熟縣同自康熙二十年起至五十年七次

審增人丁四千二百三十四實在定額人丁四萬九千七百

五十九丁共徵銀七百四十六兩九錢五分一釐零又自康

熙五十五年至乾隆元年五次審增滋生人丁一千八百五

十五丁

乾隆元年起扣至十七年人丁二千八百八十三丁

舊管冊報三十六萬八千六百六十三丁口

五十八年新收滋生人丁六千八百三十丁口

開除故絕人丁二千九百五十五丁口

實在人丁三十七萬二千五百三十八丁口

男丁大小二十一萬一千二百二十丁

婦女大小十六萬一千三百一十六口

民丁大小二萬一千二百
開創勸諭人丁二千五百
五十八年海地慈主人丁六千八百三十丁口
舊管佃辦三十六萬八千六百六十三丁口

宋田賦

前代田賦

賦法

賦法

賦法

賦法

吳中田賦宋元始有可考代有增益明代橫加重斂按籍
沒之私簿科租遂至十倍於前其始也官田之賦重其後
也則官田之賦均之民田民田亦受其病其不卽於逃亡
轉徙者前代則考成之法寬人并下田一應真慈錢王
國朝則蠲貸之恩尤渥也宋田賦土衣中不三卷中田
交恩膏疊沛兩減賦額民困益舒矣今考次宋元以來田地
賦稅糧之數具著於篇而屯田蘆課徭役雜課積貯蠲賑諸
此類皆附見焉

宋原額官民田地二萬五千六百八十五頃五十二畝

端平二年覈實官民田二百四十一萬九千八百九十二畝三角一十步地二十萬八千三十八畝二角五十五步夏稅絹和買絹細綿折帛錢計一十萬四百七十三貫三百三十七文二分秋苗七萬二千五百六十一石七斗九升五合

按宋初右補闕王永等均定田賦止分中下二等中田一畝夏稅錢四分四文秋糧米八升下田一畝夏稅錢三分三文秋糧米七升四合賦實最輕自熙豐更法靖炎軍興征輸日益已非初制迄乎景定末年賈似道請置公田賦法雜亂江浙之賦自是始重矣

宋之田有曰公田為充進軍食每畝起租上自一石五斗下至七斗

一升四合

姑蘇志按宋史涪化中田制為三品膏沃而無水早為上品沃壤而有水旱之患墾瘠而無水旱之

虞為中品境瘠復患水旱者為下品上田畝中百五十畝下二百畝只計百畝十收其三恐無若是重也曰圍田

傍江湖水淺處民圍為田租四斗或三斗曰沙田民自經理江湖沙漲地為田租三斗

或二斗曰成田民墾耕草地為田納糧二斗曰營田民用工本耕種係官空閑田

租四斗或三斗二斗曰職田給與文武官養廉地民佃起租上自八斗七升

下至六斗三合五勺附錄宋咸平二年復唐制郡邑吏皆得職田以供祭祀六縣通管六萬六百八

十八畝有奇租一萬八千二百七十石有奇知軍府事八百六十一石有奇通判軍府事添差通判軍府事僉判教授節推

添差節推察推知錄司理司法司戶監糧料院監糴納倉監都稅務監在城稅務監贍軍酒庫監都酒務盤比較務排岸

司巡轄司總管路鈐添差路鈐路分鈐添差路分東南第

三正將臨安府駐劄南一廂官南二廂官北一廂官北二廂官提舉常平司提幹添差提舉常平司提幹提舉茶鹽司提幹添差提舉茶鹽司提幹文臣支鹽官武臣支鹽官黃姚押

袋官江灣押袋官黃姚鹽場監官監江灣鹽場監南踰鹽場
 各有差知吳縣事三百石知長洲縣事三百六十六石知常
 熟縣事六百八十五石知崑山縣事四百四十六石知吳江
 縣事三百八十九石各有奇縣丞主簿及巡塘官巡檢監酒
 務監稅務以下各有差元則平江路達魯花赤總管各一員
 每員田八頃同知治中府判推官經歷知事提控案牘照磨
 承發架閣蒙古教授兩醫學教授錄事司達魯花赤錄事錄
 判各有差吳縣長洲二縣達魯花赤縣尹每員職田二頃縣
 丞縣尉典史巡檢各有差崑山常熟吳江嘉定四州達魯花
 赤知州每員職田四頃同知州判提控案牘都目各有差海
 道都漕運萬戶府達魯花赤正萬戶府萬戶經歷知事照磨
 奏差通事驛史鎮撫千戶達魯花赤正千戶副千戶止有祿
 米無田明初蘇州衛太倉衛指揮僉事
 亦有撥賜田歲收米一百六十石今無
 曰常平田係斷沒入官者曰
 義役鄉民出助保曰社倉田官買民田歲儲備荒者曰四局官租田曰
 養濟局田曰居養院田皆養鰥寡孤獨老幼殘疾者曰囚糧田官發以充囚食曰
 沒官田乃斷沒各項田土所科田租高下有差高者不踰五斗下至

二斗

元時田用圍法常熟計一千一百一十一圍

延祐四年行經理之法悉以上中下三等分則計畝起科管官

民田地一萬一千七百二十五頃二畝比宋減一萬三千九百六十頃五十畝

明洪武初常熟縣田土一萬一千七百二十五頃二畝七分二

釐零內該官田三千六百二十九頃三十九畝六分九釐原科田一則七斗三升一則六斗三升一則五斗三升一

則四斗三升一則三斗三升一則二斗三升一則一斗三升

一則五升一則三升開耕田一則四斗功臣還官田一

則一石六斗三升一則六斗七升一則三斗八升一則三斗

七升一則三斗六升一則三斗五升一則三斗四升一則三

斗一則二斗八升一則二斗五升民田三千七百五頃五十八畝一分九釐零一則二斗三升一則一斗三升一則五

四斗三升一則四斗今科田自三斗五升每則遞減一升至八升凡二十八則又一則六升一則五升一則三升

夏稅絲四萬二千七百五兩九錢一分二釐零麥一萬三百

九十五石一斗七合九勺菜子一十一石九斗八升七合八

勺糧六斗五合一勺錢鈔一百七十四貫三百八十七文四

釐

秋糧正耗三十四萬九百九十四石四斗四升七合八勺盧志

二十四年版籍官民田地一萬二千四百五十七頃比元增七百頃零

建文二年均江浙田賦減蘇松準私租起科之糧照各處起科

每則不過一斗永樂繼統盡革建文之政仍照洪武間例卒不得減

永樂十年版籍官民田地一萬六千二百一十一頃四十五畝比前

增三千七百五十八畝
四頃四十五畝

宣德五年巡撫周忱約正耗為平米鑄造鐵斛收放均平與蘇

州府知府况鍾奏減重額官田十分之三常熟減秋糧十萬

餘石

宏治五年版籍官民田地一萬八千八百五十九頃五畝零十

年置太倉州分去常熟縣官田地二千五百八十六頃十八

畝實存官民田地一萬六千二百七十二頃八十七畝零夏

稅絲六萬三千五十兩小麥三千八百石秋糧二十九萬八

千一百石已上見姑蘇志

嘉靖十六年常熟縣田地等項原額一萬四千八百二十一頃

有奇今清出三百七十六頃有奇見舊府志

嘉靖十八年知府王儀核攤田糧均定斗則舊志時知府王儀盡括官田民田哀

益之履畝清量始定不等斗則常熟縣四則最重者三斗二升

嘉靖中里甲均徭驗則知府王儀所定自是民間輸納止收本色徵折二色里甲及均徭應納官者并入折

之

通計丁田除事故外每丁編銀一分田地每畝編銀七釐零

山蕩塗等灘項每畝編銀四釐常熟縣實編差人丁七萬一百七十七丁該銀七百一兩七分

官民田地一萬四千八百二十一頃五十三畝一分四釐零該銀一萬一千四百一十二兩五錢七分九釐零租田地山

灘蕩倉城基二千六百四十五頃五十五畝五分該銀一千五十八兩二錢二分二釐共編銀一萬三千一百七十一兩

八錢五分三釐均徭銀差銀三千四百一十二兩力差銀五千一百七十三兩八錢備用銀二千七百四十五兩二錢一

分七釐

嘉靖三十三年加編練兵銀常熟縣一萬一千一百三十九兩

四錢七釐四十一萬八千三百四十四石四分

萬曆十七年常熟縣實在田地山蕩一萬七千五百四十三頃

二十一畝零平米四十一萬八千三百四十五石零

萬曆四十八年兵使尹伸復覈賦役全書實在科糧官民田地

山蕩等項常熟縣共一萬七千六百一十五頃五十四畝一

畝分九釐額徵平米四十一萬八千三百四十五石三斗四升

五合四勺內除坍江版荒又高平沙荒米不派本色兵役止

折銀緩征外實熟平米四十萬九千九百八十八石八斗二升四合九

勺

國朝

順治二年量田定賦悉照明萬曆中賦額為準其明末無藝之
征盡行革除民困始蘇

順治十二年編定賦役全書原額田地沙蕩共一萬六千七百

九十六頃四十畝零屋基一百六十二間半

小東門外一斗城基二十間南

倉二斗五升基一百四十二間半內一百二十一間半萬曆間知縣耿橋勘實灰燼

原額平米四十一萬八千三百四十五石三斗四升五合四

勺

當差人丁九萬九千九百六十六丁

除優免紳衿本身八百二十一丁外該丁

銀一千五百四十一兩一錢五分三釐

實征地丁銀一十七萬五千六百十二兩六錢七分三釐零

夏稅麥四百五石四合八勺零 荳一百五十一石九斗三

升五勺 秋糧米二十萬二千一百一石一斗四合三勺零

康熙二年巡撫韓世琦請蠲坍荒減額疏

尋以部議中格不果行全疏載府志

康熙十九年重訂簡明賦役全書田地一萬七千三百四十五

頃五畝零屋基一百六十二間半 實征本色米十九萬九

千一百六石八斗零 漕贈五米八千二十七石四斗零

荳一百五十一石九斗零 麥四百五石

實征折色銀十八萬四百七十四兩零 漕贈十銀一萬六

千五十四兩八錢零 丁銀一千五百四十三兩五錢零
匠班銀四百五十一兩八錢

康熙二十一年巡撫慕天顏請豁坍荒浮糧奉

旨准於康熙十七年為始將本折錢糧盡行蠲免

康熙二十四年巡撫湯斌請減額賦格於部議未准允行疏載府志

康熙四十五年題准開除坍海田灘額賦常熟勘免平米一千

三百六十二石二斗九升一合三勺

康熙四十九年編定當差田地一萬六千四百六十八頃七十

九畝二分 實征平米三十九萬五千二百一十一石四斗

九升二合 額征地丁等銀一十九萬六千六百三十七兩

三錢有奇遇閏加征銀七百一十四兩零 匠班銀四百五

十一兩八錢 額征本色米荳麥共二十萬四千七百九十

七石一斗九升零遇閏加征米五百九十四石一斗六升零

康熙五十五年欽奉

上諭自康熙十九年訂定全書原額人丁暨二十年起至五十

年止審增人丁外自後滋生人丁永不加賦

雍正三年分置昭文縣定經界均田賦自後凡有坍陞

恩豁編年考核截至乾隆五十八年實征總數以及起運存留

支給款項各歸各縣分載於左

常熟縣

原額田地灘蕩九千三百八十六頃八十四畝一分六釐屋

基一百六十二間半實征本色米麥荳一十一萬二千二

百六十石九斗一升三合四勺閏加米八十二石二斗三升七合折色銀

七萬一千五十五兩七錢九分六釐閏加銀六百四十九兩五錢四分四釐

丁徭銀匠班銀在內兩次減賦銀在外

田四則三斗二升田二千八百八十七頃七十三畝七分四釐四毫二斗五升田八百三十三頃五十七畝四分

分五釐二毫二斗三升田一千四百四十二頃二十七畝五分九釐四毫一斗九升田三千二百八十九頃五

十四畝二分五釐三毫

灘地蕩十則一斗六升灘四頃八十六畝六分三釐四毫一斗五升灘一十一頃三十九畝六分一釐八

毫一斗二升灘六畝七分五釐一毫一斗灘八十六頃三十九畝八分四釐一毫九升灘八畝七分三釐一

毫八升地九頃五畝一分八釐八毫六升三合三勺地二十四畝六分二釐五毫五升二合灘二頃六十六

畝二分一釐五升灘五十九頃六十五畝五分八釐六毫三升蕩二百七十二頃八畝八分七釐六毫

已上田地灘蕩八千八百九十九頃六十五畝一分一釐

共科實熟平米二十一萬一千二百三十七石三斗六升

二合九勺

屋基一百六十二間半內一百二十一間半前明萬厯間知縣耿橋勘實灰燼外實存二斗倉屋

基二十一間一斗城屋二十間共科熟平米七石二斗五升

飛沙減額田三斗二升田一百九十五頃六十四畝四分五釐二毫內分減田三則一曰一斗三升減田一

十六頃三十四畝二分七釐八毫每畝按三斗二升之額分一斗三升為飛沙減額科荒折銀仍以一斗九升科熟

平米一曰九升減田三十六頃八十七畝五分一釐每畝按三斗二升之額分九升為飛沙減額科荒折銀仍以二

斗三升科熟平米一日七升減田一百四十二頃四十二畝六分六釐四毫每畝按三斗二升之額分七升為飛沙減額科荒折銀仍以一斗九升科熟平米

已上飛沙減額田二百八十二頃九十二畝五分一釐內

科荒平米一千八百九十石四斗四升八勺派徵荒折銀

共三百二十四兩六錢八分四釐熟平米六千三百七十

七石六斗四升一勺仍照熟田例派徵

版荒地灘蕩

三斗二升田二十頃四十九畝五分二釐八毫 二斗五升田三頃六十畝五釐七毫

二斗三升田一百四頃五十一畝一分六釐四毫 一斗九升田三十九頃二十四畝六毫 一斗六升地三十六畝三分八釐八毫 一斗五升灘四頃七十九畝四釐三毫 一斗二升灘六十三畝六毫 一斗灘五頃四十八

畝三分九釐八毫 八升地一十四畝八分六釐六毫 五升灘一十九畝三分五釐 三升蕩二十四頃八十畝 七分四釐二毫 二斗五升屋基一百二十一間半

已上版荒地灘蕩二百四頃二十六畝五分四釐八毫 屋基一百二十一間半共科荒平米四千一百四十二石 二斗二升五合一勺止徵荒折銀七十一兩四錢三分一釐地畝銀七十二兩四錢六分四釐

已上田地灘蕩通共十四則屋基一百六十二間半共科 平米二十二萬三千六百四十七石六斗六升八合九勺 內荒平米六千三十二石六斗五升五合九勺扣豁一半 實該平米三千一十六石三斗二升七合九勺半不派本

色並徵荒折銀

每石除兩次減賦外派徵荒折銀三錢四分三釐共一千三十六兩一錢一分六釐

實熟平米二十一萬七千六百一十五石三合照起存錢

糧實數驗派

每平米一石派徵本色米并麥改米四斗九升四合四勺共一十萬七千六百七石四斗

五升二合三勺豆三勺共八十二石五斗四升八合六勺

漕贈五米二升一合其四千五百七十七石九斗一升二

合四勺 遇閏每石加徵米一合五勺其三百二十六石

九斗四升八合四勺 減徵漕糧改折灰石米一合五勺

共二百三十三石五升八合四勺 減徵漕贈五米共一

十一石六斗五升二合九勺 又每平米一石除兩次減

賦外派徵稅糧銀二錢二分六釐共四萬九千三百五兩

七分一釐 漕贈十銀四分二釐共九千一百四十一兩

八錢二分四釐 遇閏加徵稅糧銀一釐共二百二十兩

七錢一分三釐 加徵灰石銀一釐零共二百八十八兩五

錢四分八釐 減徵漕贈十銀共二十三兩三錢五釐

又每平米一石攤徵人丁銀四釐共九百六十四兩一錢

一分七釐 遇閏加攤共一十九兩四錢三分一釐 攤

徵匠班銀一釐零共二百五十兩四錢九分一釐 又將

灘地蕩二畝准田一畝共折淨田九千一百四十五頃三

十七畝二分三釐八毫每畝派徵地畝銀三釐零共三千

五百六十一兩九錢二釐 又除去版荒田不派存折淨

田八千九百五十九頃三十一畝五分八釐六毫每畝派

徵徭里銀七釐零共六千七百九十六兩二錢七分

二釐 遇閏加徵共一百五十一兩一錢五分六釐

雍正三年三月欽奉

恩旨減免蘇松浮賦四十五萬兩常熟縣減銀二萬五千二十

六兩五錢一分五釐

戶部請減浮糧疏載府志

雍正六年總督范時繹題准丁銀攤入田畝按田驗派 又匠

班銀兩亦歸入地畝徵輸

昭文縣同

乾隆二年再減蘇松浮賦二十萬兩常熟縣減一萬八百九十

四兩四錢五分一釐 又白糧改漕減徵經費銀七百七十

七兩二錢二分四釐零 又額徵本色米內除坍荒坍海濱

湖等蠲缺米減徵米六百四十石二斗六升六合 已上照乾隆十三年

府志所載所有豁免銀米實徵原額已經扣除不在總數之內昭文縣同

陞增項下 乾隆十四年分陞增本色米豆七斗七升四合九

色米豆一石七斗七升六合七勺折色銀一兩三錢二分

又坍荒復熟陞增米豆一石六斗九升六合四勺折色

銀八錢八分八釐 三十八年分陞增本色米豆七石九

斗三升八合八勺折色銀五兩八錢九分九釐 四十九

年分陞增本色米豆六石三斗一升五合地丁銀一兩七

錢四分四釐 五十六年分陞增地丁米豆一十四石七

斗五升六合四勺地丁銀 一十二兩五錢七分六釐

坍除項下 乾隆十五年分坍沒請豁米豆四百六十二石八

斗六升三合一勺折色銀三百三兩五錢六分八

釐 二十年分奉文建築海塘備禦潮災常昭兩縣土塘

共長九千一百三十二丈計程六十里塘底塘河及內外

餘地共寬一十四丈一尺估廢田地奏請准豁免常熟豁

免米豆一百七十二石一斗五升五合六勺折色銀一百

一十一兩一錢九分七釐塘外現業民田一斗九升糧者

減作五升地二斗五升者減作一斗地共減則豁免米豆

三千二百九十六石八斗五升六勺折色銀二千六兩四

錢七分六釐築塘事宜另載水利 二十六年分坍沒豁

免米豆五十石五升五合五勺折色銀三十一兩八錢三

釐 四十年分坍沒豁免米豆一百八十五石六斗三升

二合三勺折色銀一百三十兩三錢四分九釐 四十二

年分移建崔浦墩汛營房公估豁免米豆二升六合二勺

折色銀 二分 實在縣額田地灘蕩九千二百九十三頃三十畝九分六釐 一毫 實徵本色地漕米豆一十萬八千七百四十八石三斗一升 五合七勺遇閏加徵米豆七十九石六斗八升五合六勺

實徵折色地漕等銀六萬八千八百三十九兩五錢七分四

釐遇閏加徵銀六百一十七兩一錢四分三釐乾隆五十八年查明

登載

一本色起存大欸

起運漕糧正耗米八萬八千一百二十三石二斗八升四

勺

起運漕贈五米四千四百六石一斗二合七勺

起運白糧粳糯正耗米四千五百四十三石二斗

白糧運船水手飯米一百八十一石七斗二升八合

江安糧道衙門省衛行月米一千九百九石八斗六升四

合一勺

蘇松糧道衙門揚蘇太鎮各衛倉行月米四千一百一十

三石六斗三升二合二勺

布政司衙門地丁南糧米四千九百八石三斗三升二勺

鎮江府衙門京口各營黑豆七十九石五斗一勺

恤孤口糧米四百八十三石六斗七升八合

一折色起存大欸

布政司衙門地丁辦料并歸入俸工雜支等項銀三萬三

千五百八十兩七錢一分四釐內撥言廟春秋祭銀四十兩廟戶工食

銀一十二兩武廟春秋并誕祭銀六十兩官役俸工祭祀雜支等銀二千六百二十五兩四錢八分八釐

已上於五十二年為始奉文一并赴司請領不
准劃抵 嘉慶四年奉文仍准劃抵復向例坐支

地丁損脚銀八百三十二兩三錢八分七釐

江安糧道衙門額撥漕項銀一千二百五十三兩六錢四

分八釐

過江六升米折銀一千七百八十四兩二分三釐

鳳陽倉麥折正費銀六百六十三兩八錢二釐

蘇松糧道衙門蘇州衛軍儲銀一千三百六十四兩五錢

一分七釐

太倉衛軍儲等銀九百二兩五錢七分

鎮海衛軍儲等銀一千二十三兩三錢一分四釐

揚州倉米麥折正費銀四百四十六兩三錢三分九釐

鎮江倉麥折正費銀九十七兩二錢五分三釐

蘇太鎮三衛民七淺船正費等銀六百三十六兩九錢四

分六釐

白糧給軍經費銀二千一百五十六兩一錢八分四釐

輕費三分蓆木正費銀八千九百八十一兩六錢五分

漕贈十銀九千一百四十一兩八錢二分五釐

漕糧改折灰石銀一千一百六十二兩七錢五分三釐

裁贈經費銀四千七百三十九兩四錢六分九釐

束包夫工食銀七十二兩

俸工支給項下

鈔關

門子二名工食銀一十四兩四錢閏加銀一兩二錢
皂隸一十二名工食銀八十六兩四錢閏加銀七兩

錢二

蘇海防同知衙門

俸銀七十八兩五錢四釐 門子二名
工食銀一十二兩閏加銀一兩 步快

八名工食銀四十八兩閏加銀四兩 皂隸一十二名
工食銀七十二兩閏加銀六兩 巡鹽巡捕民壯八名

工食銀四十八兩閏加銀四兩 轎傘扇夫
七名工食銀四十二兩閏加銀三兩五錢

蘇管糧通判衙門

俸銀五十八兩八錢七分八釐 門子
二名工食銀一十二兩閏加銀一兩

步快八名工食銀四十八兩閏加銀四兩 皂隸一十
二名工食銀七十二兩閏加銀六兩 轎傘扇夫七名

工食銀四十二兩
閏加銀三兩五錢

知縣衙門

俸銀四十兩八錢八分一釐 門子二名工食
銀一十二兩閏加銀一兩 皂隸一十二名工

食銀七十二兩閏加銀六兩 件作四名工食銀二十
四兩閏加銀二兩 馬快八名草料工食共銀一百三

十四兩四錢閏加銀一十一兩二錢 民壯三十二名
工食銀二百五十六兩 庫夫四名工食銀二十四兩

閏加銀二兩 禁卒八名工食銀四十八兩閏加銀四
兩 轎傘扇夫七名工食銀四十二兩閏加銀三兩五

錢 斗級四名工食銀二十四兩閏加銀二兩 巡鹽
巡捕民壯十名工食銀七十二兩閏加銀六兩 鋪兵

八名工食銀七十二兩閏加銀六
兩 修理倉監銀四兩九錢七釐

儒學教諭衙門

俸銀四十兩 齋夫二名工食銀二十四
兩閏加銀二兩 門子二名工食銀七兩

二錢閏加銀六錢 廩膳生員廩糧銀四十兩閏加銀
三兩三錢三分三釐 膳夫一名工食銀二十兩閏加

銀一兩六錢
六分七釐

縣丞衙門

俸銀四十兩 門子一名工食銀六兩閏加銀
五錢 皂隸四名工食銀二十四兩閏加銀二

兩 馬夫一名工食
銀六兩閏加銀五錢

黃泗浦司巡檢衙門 俸銀三十一兩五錢二分 皂隸二名 工食銀一十二兩閏加銀一兩

弓兵二十四名 工食銀一百一十二兩八錢閏加銀九兩四錢

典史衙門 俸銀三十一兩五錢二分 門子一名 工食銀六兩閏加銀五錢 皂隸四名 工食銀二十四兩閏加銀二兩 馬夫一名 工食銀六兩閏加銀五錢

蘇糧道庫大使衙門 俸銀三十一兩五錢二分 皂隸二名 工食銀一十二兩

文廟各祠宇春秋祭銀九十五兩二錢五釐

府縣舊舉人會試盤纏銀二十兩二錢八分一釐

水陸各營船械銀二百五十六兩三錢八分

本縣歲貢牌坊銀一十三兩七錢三分八釐

鄉飲酒席銀七兩三錢六分

江寧府場屋銀五兩五錢三分九釐

協濟科場銀四兩六錢六釐

協濟武場銀三兩二錢七分一釐

額養恤孤一百六十九名柴布銀二百一十八兩五錢八分九釐閏月加銀五兩二錢八分八釐

習儀拜賀紙張香燭銀三兩九錢二分五釐

司府算造徭里會計紙張銀一十九兩六錢二分六釐

文廟朔望香燭銀一兩二錢八分七釐

本府稅糧總書造冊紙張銀四兩二錢二分七釐

本縣歲底新書銀二十七兩四錢七分六釐

本府歲貢牌坊銀三兩九錢二分五釐

看守公館門子工食銀五兩二錢三分三釐閏月銀四錢

三分六釐

江蘇省蘇州松江太倉三府州屬每兩收耗銀五分常州鎮江二府屬每兩收耗七分其餘各府屬每兩收耗一錢

戶部
則例

雍正八年署總督尹繼善奏准革除收漕外加內扣解面餘米諸弊每完糧一石明加漕費六分八折制錢四十八文以杜大數暗加等弊以三分給旗丁二分爲州縣修倉鋪墊之用此外止收水脚四文水次離倉少遠者每十里加二文昭文縣同 嘉慶四年奉文漕費六分全給旗丁修倉諸費州縣捐辦

昭文縣

分管原額田地灘蕩七千八百頃三十六畝一釐六毫實徵

米麥豆九萬一千五百七十二石八斗八升二合三勺閏加

米六十七石一斗一升五合 折色銀五萬八千三百七十六兩一分九釐

閏加銀五百二十九兩五錢一分一釐 丁徭銀匠班銀在內兩次減賦銀

在外

田四則 三斗二升田一千九百七十四頃一十四畝五分八釐七毫 二斗五升田二十二頃六十五畝九分二分

釐九毫 二斗三升田一千五百三十五頃一十六畝八分五釐 一斗九升田三千三百三十頃五十六畝六分

五釐

灘地蕩九則 一斗八升灘八畝四分二釐七毫 一斗六升灘五十五頃一十畝三分三毫 一斗五升灘八十五頃一十五畝三分九釐一毫 一斗灘三十七頃二分一毫 九升灘三分一釐五毫 八升地三頃六十分

二畝七分七釐七毫 五升二合灘五畝二分四釐五毫 五升灘一十九頃七畝七分九釐 三升蕩一百頃三

二畝七分七釐七毫 五升二合灘五畝二分四釐五毫 三升蕩一百頃三

分九釐
五毫

已上田地灘蕩七千一百六十二頃六十四畝八分六釐

其科實熟平米一十六萬五千二百八十三石九斗九升

九合二勺

飛沙減額田

三斗二升田四百三十九頃六畝八分四釐八毫內分減田四則一日二斗二升減田八頃一

十八畝一分八釐二毫每畝將三斗二升田之額分二斗

二升為飛沙減額科荒折銀仍以一斗科熟平米一日一

斗三升減田三頃五十八畝四分八釐五毫每畝將三斗

二升之額分一斗三升為飛沙減額科荒折銀仍以一斗

九升科熟平米一日九升減田二十八頃六十五畝七分

三釐一毫每畝將三斗二升之額分九升為飛沙減額科

荒折銀仍以二斗三升科熟平米一日七升減田三百九

十八頃六十四畝四分五釐每畝將三斗二升之額分七

升為飛沙減額科荒折銀仍以二斗五升科熟平米二

斗三升田七十五頃四十畝四分六釐七毫每畝將二斗

三升之額分四升為飛沙減額科荒折銀仍以一斗九升

科熟平米一斗五升灘三十畝八分三毫每畝將一斗五

升之額分五升為飛沙減額科

荒折銀仍以一斗科熟平米

已上飛沙減額田五百一十四頃七十八畝一分二釐八

毫內科荒平米三千五百七十八石一斗八升九合二勺

派徵荒折銀熟平米一萬二千二百一十石九斗二升九

合五勺仍照熟田例派徵

版荒地灘蕩

三斗二升田三十五頃八十八畝七分九釐三毫二斗五升田四畝五分六釐六毫

已上版荒田地灘蕩一百一十五頃五十六畝五分八釐
其科荒平米二千九百三十八石七斗九升二合派徵荒
折地畝銀

王禎缺額灘七頃三十六畝六分三毫

原則一斗五升該平
米一百一十石四斗

九升四勺不派本色每畝止科徵徭里地畝銀六釐零
其銀四兩八錢三分六釐 遇閏加徵銀六分一釐零

已上田地灘蕩通共十三則其科平米一十八萬四千一

十一石九斗九合九勺

王禎灘平
米不在內

內荒平米六千五百一

十六石九斗八升一合二勺扣豁一半實該平米三千二

百五十八石四斗九升六勺不派本色並徵荒折銀

每石
除兩

次減賦外派徵荒折銀三錢二釐零
其九百八十六兩一錢二分六釐零

實熟平米一十七萬

七千四百九十四石九斗二升八合七勺照起存錢糧實

數驗派

每平米一石派徵本色米并麥改米四斗九升四
合五勺共八萬七千七百七十六石一斗五升一

合八勺 豆三勺零共六十七石三斗四升 漕贈五米
二升一合共三千七百二十九石三斗九升四勺 遇閏

加徵米一合五勺共二百六十六石八斗二升七合九勺
減徵漕糧改折灰石米一合共一百九十石二斗二合七

勺 減徵漕贈五米共九石五斗一升一勺 又每百平
米除兩次減賦外派徵稅糧銀二錢一分九釐共三萬九

千三十七兩三錢七分九釐 漕贈十銀四分二釐共七
千四百五十八兩七錢八分零 遇閏加徵稅糧銀一釐

共一百八十八兩三錢八分六釐 加徵灰石銀一釐零共
二百二十七兩三錢六分五釐 減徵漕贈十銀共一十

九兩二分 又每平米一石攤徵人丁銀四釐零共七百
四十兩一錢六分九釐 遇閏加攤銀共一十四兩八錢

五分八釐 灘徵匠班銀一釐零共一百九十九兩四錢
八分一釐 又將灘地蕩二畝准田一畝其折淨田七千

六百四十五頃四十五畝四分三釐五毫每畝派徵地畝
銀五釐零共四千三百七十二兩六錢四分六釐 又除

去版荒田不派存折淨田七千五百三十頃九十畝四分一釐一毫每畝派徵徭里銀七釐零共五千五百八十一兩四錢三分四釐 遇閏加銀 共一百二十五兩九錢二分

雍正三年減免蘇松浮賦昭文縣減銀二萬五百八十七兩一錢一釐零

乾隆二年再減蘇松浮賦昭文縣減八千九百五十九兩三錢七分一釐 又白糧改漕減徵經費銀六百三十八兩七錢

五分五釐 又額徵本色米內除坍荒坍海濱湖等蠲缺米減徵米五百二十二石三斗九升七合

陸增項下 乾隆二十四年分新荒復熟一案陸增本色米一百八十五石六斗一升五合九勺折色銀七十一兩七毫 三十五年分報陸灘地一案陸增本色米九石八斗三升五合七勺折色銀七兩六錢七分 三十六年

分報陸三升蕩一案陸增米二斗一升三合九勺折色銀二錢一釐 四十六年分報陸五升糧一案陸增本色米一十一石四斗九升六合二勺折色銀八兩八錢四分八釐 又報陸二斗三升田一案陸增本色米六斗九升五合折色銀四錢三分三釐

坍除項下 乾隆二十年接築海塘估廢豁免米豆一百七十四石四分三釐六毫 又塘外減則民田豁免米三千四百九十九石七斗五升八合六勺折色銀二千一百一十一兩六錢九分一釐九毫 三十年分續報坍荒坍蕩一案豁免米三十五石七斗三升九合五勺折色銀二十八兩五錢一分二釐九毫 三十九年分坍沒田地一案豁免米一百三十一石一斗九升八合五勺折色銀九十六兩四錢六分六釐

實在縣額田地灘蕩七千六百八十頃九畝六分三釐二毫 實徵本色地漕米豆八萬七千五百二十三石五升八合一

常關各志 卷之三
勺遇閏加徵米六十三石九斗八升二合六勺

實徵折色地丁漕項俸工雜支等銀五萬五千八百兩七錢

一分四釐遇閏加徵銀五百六兩四錢一分一釐乾隆五十八年

查明
登載

一本色起存大欸

起運漕糧正耗米七萬四千一百八十三石六斗二升六

合九勺

起運漕糧贈五米三千七百九石二斗四升三合四勺

起運白糧正耗米三千七百六石二斗

起運白糧運船水手飯米一百四十八石二斗四升八合

江安糧道衙門省衛行月米二千五百九十五石四斗八

升七合三勺六百四十六兩四錢一分八釐

蘇松糧道衙門揚蘇太鎮各衛倉行月米三千四百二十

四石七斗八升一合四勺

鎮江府衙門解南黑豆六十四石二斗六升六合四勺

恤孤口糧米四百八十三石六斗七升八合八釐

新陞米二百七石五斗二升六合七勺二釐三勺八釐

一折色起存大欸

布政司衙門地丁併歸入俸工雜支等項銀二萬七千三

百四十五兩九錢七分四釐三釐

損脚銀六百八十一兩三錢六分三釐

江安糧道衙門額撥漕項銀一千二十七兩四錢八分二

釐

過江六升米折銀一千四百三十一兩二錢三分八釐

鳳陽倉麥折正費銀五百三十七兩六錢四分八釐

蘇松糧道衙門蘇州衛軍儲銀一千一百五兩二錢一分

五釐

太倉衛軍儲銀四百八十二兩七分四釐

鎮海衛軍儲銀六百四十六兩七錢一分八釐

揚州倉銀三百六十一兩五錢二分

鎮江倉銀七十八兩七錢七分一釐

民七銀五百一十五兩九錢六釐

白糧給軍經費銀一千七百五十九兩一分一釐

輕賚蓆木等銀七千三百二十九兩六錢三釐

漕贈十銀七千四百八十九兩六錢三分六釐

漕糧改折灰石銀六百二十二兩五錢六分四釐

軍三銀二百四十八兩九錢七分九釐

貼運銀一百八十二兩一錢三分三釐

裁存經費銀三千八百九十七兩二錢七分九釐

束包夫工食銀五十七兩六錢

俸工支給項下

巡撫衙門俸銀二十四兩三錢六分九釐

本府衙門 門子工食銀一十一兩八錢三分二釐閏加銀九錢八分七釐 皂隸工食銀九十四兩六錢

五分九釐閏加銀七兩八錢九分六釐

知縣衙門 俸銀四十三兩一錢五分七釐 門子工食銀一十兩九錢二分六釐閏加銀九錢八分七釐

皂隸工食銀七十一兩三分一釐閏加銀六兩四錢一分五釐 件作工食銀一十六兩三錢八分八釐閏

加銀一兩四錢八分一釐 轎傘扇夫工食銀三十八兩二錢四分四釐閏加銀三兩四錢五分五釐 馬快

工食銀一百二十八兩八錢九分九釐閏加銀一十一兩五分四釐 民壯工食銀二百五十二兩四錢二分

六釐 禁卒工食銀七十一兩三錢三分閏加銀三兩九錢四分八釐 庫夫工食銀二十一兩八錢五分三

釐閏加銀一兩九錢七分四釐 斗級工食銀二十一兩八錢五分三釐閏加銀一兩九錢七分四釐 修理

倉監銀四兩九錢三分 鋪兵工食銀六十二兩一錢二分閏加銀五兩一錢八分一釐 巡鹽巡捕民壯工

食銀六十五兩五錢五分九釐 閏加銀五兩九錢二分二釐

儒學訓導衙門 俸銀四十兩 齋夫工食銀一十一兩八

錢三分三釐閏加銀九錢八分七釐 門子工食銀一十四兩一錢九分九釐閏加銀一兩一錢

八分四釐 廩膳生員廩糧銀三十九兩四錢四分二釐閏加銀三兩二錢九分

膳夫工食銀一十九兩七錢二分一釐閏加銀一兩六錢四分五釐

主簿衙門 俸銀三十三兩一錢一分四釐 門子工食銀五兩九錢一分六釐閏加銀四錢九分四釐

皂隸工食銀二十三兩六錢六分五釐閏加銀一兩九錢七分四釐 馬夫工食銀五兩九錢一分六釐閏加銀四錢九分

銀四錢九分四釐 白茆司巡檢衙門 俸銀三十一兩五錢二分 皂隸工食

錢八分七釐 弓兵工食銀一百一十一兩二錢二分五釐閏加銀九兩二錢七分七釐

典史衙門

俸銀三十一兩五錢二分 門子工食銀五兩九錢一分六釐 閏加銀四錢九分四釐 皂隸工食銀二十三兩六錢六分五釐 閏加銀一兩九錢七分四釐 馬夫工食銀五兩九錢一分六釐 閏加銀四錢九分

文廟各祠宇春秋祭銀四十二兩六錢六分

縣學朔望香燭銀一兩二錢八分七釐

司府書算造徭里會計冊籍紙張銀一十九兩七錢二分

一釐

本府稅糧總書造冊紙張銀四兩一錢三分七釐

習儀拜賀紙張香燭銀三兩九錢四分四釐

看守公館門子銀二兩六錢三分

鄉飲酒席銀七兩三錢九分五釐

歲底新書銀二十七兩六錢九釐

本府歲貢坊儀銀三兩九錢四分四釐

本縣歲貢坊儀銀一十三兩八錢五釐

江寧府場屋銀五兩五錢六分六釐

協濟科場銀四兩六錢二分八釐

協濟武場銀三兩二錢八分七釐

舊舉人會試盤纏銀二十兩三錢七分八釐

水陸各營船械銀二百七兩六錢五分五釐

恤孤柴布銀二百一十五兩五錢三分六釐 閏月銀五兩

二錢一分九釐

常昭兩邑徵收銀米府志載至乾隆十三年爲止今自十三年起至五十八年詳查升除確數起存各款常邑顧涵昭邑馮信圭考訂舉人魏兆昌覈實云

屯田附

蘇州衛原額屯田三百五十頃九十二畝五分四釐八毫內除積荒九頃八十四畝九分三釐二毫例不輸糧又於康熙四十五年勘豁坍沒田三頃三十六畝四分五釐六毫外實在屯田三百三十七頃七十一畝一分六釐內坐落常熟縣六十三頃十八畝九分二釐

昭文縣一百三頃三畝五分

蘇州合衛屯田共計額徵地漕銀三千六百七十七兩三錢額徵本色米五千九百六十二石五斗六升五合九勺

太倉衛原額屯田二百五十六頃六分四毫內於康熙四十四年勘豁太倉常熟坍沒田四頃六十一畝二分三釐七毫又於乾隆二年勘豁太倉昭文寶山坍沒田六頃九畝六分二釐實在屯田二百四十五頃二十九畝七分四釐七毫坐落

太倉常熟崑山嘉定等地方

坐落各境細數衛冊未具無憑分記

蘆課附

蘇州府額該蘆洲共七萬一千五百六十八畝五分五釐二毫

四絲九忽 內濱湖濱海蘆洲共六萬三千九百二十六畝

九分二釐七毫九忽共課銀二千二百五十一兩五錢二分

九釐六毫 濱湖濱海蘆洲坍塌張靡常定例五年一丈漲者陞增坍塌者扣除 腹地蘆洲共七千

六百四十一畝六分二釐五毫共課銀四百七兩七錢四分

二釐四毫 腹地蘆田於康熙二十三年題定免丈應屆遵行 通共課銀二千六百五

十九兩二錢七分二釐係解司報部充餉

常熟縣額該蘆洲共三百三十二頃三十一畝三分七釐九毫

內濱湖蘆地三十二頃一十九畝四分四釐六毫每畝科銀八分五釐 濱海草灘二百八十頃七十六畝五分三釐三

毫每畝科銀三分腹地蘆蕩一十九頃三十五畝四分每畝科銀三分 共課銀一千一百七十

四兩一分九毫

昭文縣額該蘆洲共七千九百七十八畝一分二毫 內蘆地二千六百一

十七畝七分六釐三毫每畝科銀八分五釐 草灘五千二百一十九畝五分一毫五絲每畝科銀三分 蘆洲一百四

十畝八分三釐七毫 每畝科銀一錢二分 共課銀三百九十五兩九錢九分五釐

三毫

常熟縣境轄濱海蘆洲乾隆五十一年大丈冊報詳咨戶部

蘆地二百二十頃四十四畝二分三釐三毫每畝八分五

釐起科共課銀一千八百七十三兩七錢五分九釐八毫

草灘一百六十四頃五十二畝五分四釐八毫每畝三分

起科共課銀四百九十三兩五錢七分六釐四毫又例不

入丈腹地華蕩圩草灘一十九頃三十五畝四分每畝三

常興沙蘆地一百四十一頃八十八畝四分三釐六毫課銀五十八兩六分二釐

壽興沙蘆地七頃三十三畝二分八釐七毫課銀六十二兩

三錢二分九釐四毫 草灘六十一頃一十三畝六分七

釐七毫課銀一百八十三兩四錢一分三毫

福興沙蘆地二十九頃二十五畝六分八釐六毫課銀二百

四十八兩六錢八分三釐三毫 草灘一十二頃七十七

畝一分五釐五毫課銀三十八兩三錢一分四釐六毫

常興沙蘆地一十八頃四十四畝三分二釐三毫課銀一百

五十六兩七錢六分八釐 草灘三頃八十畝八分六釐

六毫課銀一十一兩四錢二分六釐

青屏沙蘆地一百四十一頃八十八畝四分三釐六毫課銀

一千二百六兩一分七釐 草灘五十五頃九十七畝九

絲分四釐七毫課銀一百六十七兩九錢三分八釐四毫

天福沙蘆地一十三頃八十六畝九分三釐五毫課銀一百

一十七兩八錢九分 草灘九頃五十二畝四分九釐七

毫課銀二十八兩五錢七分五釐

東盈沙草灘一頃六十六畝七分三釐一毫課銀五兩二釐

可拱北沙蘆地九頃六十五畝五分六釐六毫課銀八十二兩

七分三釐一毫 草灘一十九頃六十三畝六分七釐五

毫課銀五十八兩九錢一分一毫

查各沙蘆洲四面環海漲坍靡常凡有增減俱歸沙洲例
案詳辦

戶部刪減奇零尾數則例

直省題奏錢糧疏冊及銷算達部清冊凡遇奇零數目俱於
總欵下核實歸減銀數以釐爲斷糧數以勺爲斷錢數以文
爲斷由撒合總銀數在五毫以上者歸作一釐糧數在五抄
以上者歸作一勺不及五毫五抄之零尾並制錢一文下之
絲毫虛數均從刪減其辦解銅斤顏料等物以斤兩計者照
銀數一例減併凡內外一切徵支銀米有零星撒數者均於
總數下歸併若賦役全書魚鱗徵冊易知由單內細欵與一

切分欵開銷應有撒數者悉從舊開列

徭役

附

宋役制

押錄

舊額二人或事繁冗增差不定

手分

隨按分所差無定額

貼司

引事

廳子

書司

手力

即廳子引事名字請給於承廳

鄉司

鄉憂

當宜人

輜番散番等請給於縣茶酒帳設邀喝請給於稅務

雜職

弓手

舊額一百六十五名 牢子 弓手輪差

每月輪差一名充獄具

市巡

弓手輪差

所由

斗級

斗子

欄頭

務司

酒匠

柵子

宜司

腳力

凡保正追會之事

僧宜司

承受寺院事件

上琴川志所載縣役人名目其鄉役人下云國朝鄉役人自熙寧行保甲罷耆戶長壯丁而法始變自元祐復耆戶長壯丁猶以保甲而法大變自紹聖而後以耆戶長壯丁錢盡歸公上而法盡變民避役如避寇舉世盡然是邑獨甚端平既正經界乃汲汲滋事謂按籍選差終不能無弊於是因數都義役之舊一以乾道詔書從事排年任役率田供費條書列之規約宸旨丁寧一一具載曾未二十年更革幾無復遺而受害者入抵如故豈不甚可惜哉今據王令君申明之要著

於篇平江府狀據常熟縣知縣王承議申竊惟賦役二事關
於民生利害查本縣向來戶版龐亂吏姦縱橫官督虛籍之
賦民苦破家之役追惟往弊不忍復言當職自初到官亟圖
所以救之修復經界整比版籍民按實產授常賦貧富大小
幸就明實儻不及時團結義役則作偽者詭寄以自利尙氣
者紛糾以傷和役政不修賦籍隨壞非特前功盡廢抑恐後
患滋多乃分爲鄉官勸率役產參合都分主客之勢斟酌地
理寬窄之宜量役費之重輕準助田之多寡第其先後以次
充替經始於端平丙申四月竣事於嘉熙丁酉五月除已採
據大要繕寫成帙申府僉印發下外其間更有數條事體稍
重關於義役修廢乞從本府備申朝省劄下本縣遵守併劄
提舉常平司照會司行一本縣九鄉五十都今管義役田地
共五萬五百二十二畝一角五十八步五尺二寸歲收租米
麥其二萬四千九百九十八石六斗四升一合一勺已隨都
大小分撥與保正長聽其任便收支以助役費有餘不足官
司更不復干預其田並係常平物業不許公私典賣亦不許
移易轉換違者按法坐罪其助田之家將來富者不加增貧
者不許取入仕而免役者不給還一本縣諸都舊亦各有役
田止緣役首欲擅其利掩取田租又慮人告發或獻本縣版
帳庫或獻納常平司旋即詭名請佃量納租錢官司苟目前

之微利不暇爲赤子深謀多墮其計今役費日重民至相率
出田助役求一日之安上之人能不爲之惻然動心乎今在
版帳庫者二百餘畝已給還矣在常平司者見議申乞所有
今來見管義田日後並不許姦民獻納官司亦不當收受一
保正長向來充役之費最爲浩瀚保長既爲產去稅存逃亡
戶絕等戶代納稅租爲保正者亦仰之催科例行陪納其他
色目尤多如保正則有科供竹木科取穀果科買糟酒節序
燈油接官器具檢屍定驗之費保長則有著役召保請給虛
限出豁簿書七夕冬至二節供送吏胥之費加以上落牌頭
開於司苗稅案誅求無藝已一切禁絕蠲免供具申本府及
諸司永爲蠲除一義役初行之時勸率助田則上戶非所便
既行之後不復差役則公吏非所取便其至便者惟大戶役
戶而已日後上戶之已出田者或再欲佔據或強自抱租吏
人或破例差役或生事騷擾許役戶與機察合詞經官理訴
必使侵擾之計不得容而使義役之利可垂永久一役正之
弊始於版籍之不明版籍之弊始於過割之不謹本縣今將
各都新排經界田籍備錄一本印押交付機察謹密收藏每
遇人戶典賣田產並許具狀經縣陳乞送下機察仰置簿打
號發下保正役主內係起催夏稅以後入狀即責付新苗保
長內係起催秋苗以後即責付新稅保長今取責契照及兩

家砧基點對保明類申機察機察類申本縣送鄉戛局參對
官籍移割其詭名寄產者繳回元狀不許容情相與爲欺嘉
熙元年八月二日奉聖旨王煥修復經界義役職事修舉與
轉一官並下浙西提舉司平江府常熟縣永遠遵守已上
皆琴川舊志原文姑蘇志采之其事雖止一縣當時大概
可知至差役雇役諸法見史冊以不專屬一縣故不復載

陶正靖徭役考

康熙元年巡撫韓世琦奉

旨通行均田均役之法案開三吳田賦十倍他省徭役困苦
莫甚今日豪強兼併之家膏腴滿野力能花詭避役以致富
者益富貧弱無告之民役累隨身每至逋負流離將見貧者
益貧是皆有司不念民瘼編審無法任憑胥蠹作奸流弊莫
可究詰近奉

旨均編當亟遵條例通計合邑田畝按圖裒益品搭停勻凡
圖外官庠自兌附戶花詭等項盡行裁派一惟論田起役俾
戶無無田之役田無不役之人庶幾積弊頓除窮簷蘇息
常熟縣共四百九十圖圖分十甲每甲均田三百三十七畝
一應修築沿海土堡營房橋梁馬路及催漕候比等役論田
均差每圖上下里役二人共九百八十餘人本縣徐六涇
土堡一座營房六十餘間官舍三間每年一修及承修橋梁
馬路并低區里役二百餘名免役外實應役里役七百餘人
凡業田之家田多者或一家而占數甲田少者或數家而占
一甲其戶名曰排年有事則里役督之排年任之此法之定

於官者也排年之田不必同阡陌居不必接里閭役有近遠不必借作息力有贏絀不能通有無臨期鳩集不免誤事於是預儲以待畝率銀一分有奇昇諸役代任其事而排年遂若無與方之古法排年則出免役錢者也里役則任雇役之事者也變而通之有利無害其或有大役則另議科率然以通縣數十萬戶之所同也雖黠猾亦不能上下其手厚有侵漁而其役於官府則排年必不能如里役之練習故民相與安之此法之便於私者也由康熙初元至今垂七十年閭左晏然如白茆福山諸大役雖帑由官給出自

漕候比諸役蓋亦前明弊政相沿

本朝已次第改革今併著原委於後

洪武初編定黃冊以一百一十戶為里

里又名圖縣比九鄉鄉統都都統圖都之

大者復為扇以分轄各圖扇又名區

計里編役推丁糧多者十人為里長次百

人為甲首里長輪年應役管攝一里之事十年一周每里編

為一冊冊首總為一圖鰥寡孤獨不任役者附於圖後名曰

畸零大役五年一編充南北運收兌收糧等差小役十年一

編充經催總甲塘長該年等差其餘在官斗級庫子雜役將

均役編銀雇充於是有催糧候比之役有收兌糧長之役有

白糧解戶之役按民間丁糧與時消息未有久而不變者而

黃冊既定改易爲難雖十年一編審而差次羸縮弊孔已多若承役之累則有不可勝言者
催糧候比之役每圖分上下五甲每五年輪年爲甲催亦曰經催圖內糧戶應輸本折責成催完應比賠累不堪又一區僉點收糧一人名曰公正當是役者強則肆暴於鄉里弱則破亡其身家自

本朝均田均役之法行又革公正名色田盡歸甲里書止職推收無復責成催辦之累櫃收倉收別點胥吏不從田畝差派又太倉州知州白登明設立一月三限截票法糧戶完數已足則截票盜家否則按數追比法簡而民稱便諸累盡除

矣收兌糧長之役明初以殷實戶充糧長督租稅入京時都金陵猶納秸之遺意也及都燕後會通河成海運罷令民運至濟寧則已及二千里往復輒踰時矣末年用平江伯陳瑄議民運俱於淮安瓜州補給脚費兌與軍船領運宣德五年令江南民糧兌撥附近衛所官軍載運至京定加耗米又給輕資銀兩以爲洪插剝盤之費成化七年罷瓜淮之運令官軍各赴本地水次交兌而加過江之費時設收兌糧長兌給官軍旗丁勒索不訾至
本朝順治初孔蔭樾題定官收官兌法六年秦世禎題定每百石除正耗外加米五石銀五兩爲運軍費而蘇松常三府

猶陽奉陰違至十六年巡撫馬騰陞疏陳其弊畧言悍軍刁弁積習相沿蠹役奸徒表裏滋弊以致縱軍巧立名色每百石除加四耗米并贈潤五石五兩外又有會銀開厥擠倉看米折飯插籌貼擔貼船花票通關摺扁三擁踢斛淋尖割單等項種種惡習名爲五石五兩實至二三十兩不止且各縣糧總不分正耗一例科徵民髓安得不竭吏科左給事中朱紹鳳亦疏言常熟縣知縣魏允升爲民受辱反以激變被叅運弁揚眉有司喪氣漕法大壞正米一石雜費反至一石有餘旗弁恃餽送爲護身之符有司以苛派爲兩全之計於是申飭通行而每百石五兩之外再加五兩所謂五米十銀白

十六年始嗣後實行官收官兌法民力節而軍不敢撓自知縣于宗堯始

白糧解戶之役瓜淮運雖罷而白糧仍由民運與衛卒並行恒苦侵暴而水脚之乾沒沿途之需索交納之抑措皆爲大患明末邑人瞿式耜等請改官解尋復如故

本朝順治初巡撫土國寶從常熟公正許國賢之請題准官運斯患乃已

此外復有塘長疏河之役罷廢已久有坊廂總甲之役在城圖當之烟墩馬路沿江海一帶當之要自均田均役法行皆無過擾者矣

右役法諸弊皆始於僉充僉充之始雖以丁糧之多寡為差然富者以役重而易窮役猶不免貧者不以緩役而驟富役亦終及是貧與富先後皆困不如論起役之為均也田有東西役分遠近且如田在東而役興於西則西逸而東勞田在必緣以為奸不如歸之圖甲易核屬之里役不為擾也立法之初實為盡善設有變更則宿弊立見矣
又案古之役民資其力不費其財所謂力役取之於冬者也公旬三日近役也其遠役亦不踰時而遣戍勞還皆曲有恩意則所以恤其身家如行月糧之類者可知已漢唐以降算

丁口輸庸錢既資其財矣仍不能不賴其力端臨馬氏所謂職役者是也其法大畧有三曰差曰雇曰義差役之弊差設不公漁取無藝雇役之弊庸錢白輸苦役如故義役之弊豪強專制寡弱受凌馬氏亦粗論其概矣夫差役古法也然古之主調發者黨正鄮長皆以士人為之而後世屬之胥吏士人尚不能無貪汙胥吏顧能盡公廉乎不均不平弊害斯甚雇役則由召募而假手胥吏亦不免朘削傭值緩急呼應或不足相赴義役始自宋紀其初民間苦於征繕自為經畫如葛觀之類是也見邑耆志其後官為之制端平時知縣王爚嘗行之矣明宣德中知縣郭南嘗立義役倉矣然皆不能無弊故

均田均役之法為不可易也近奉

明綸議行順莊法議者僉謂賦從莊辦役從圖辦是二法者

固並行不悖而不可偏廢謀野則獲敢以諗之司牧者考焉

常邑志

趙錫孝徭役議

古者按地畝而征賦役編圖以總理之編甲以條分之其業田之民比戶而居者謂之莊按莊戶以編征謂之順莊大江以北皆順莊供賦即按莊田之版圖供役然不行於江南者南北地理不同水陸之勢異也北方陸地舟楫不通糧米轉運多用牛車牛車致遠則費繁費繁則農田之利薄故東莊

之民不業西莊田者勢不能也其有兼業西莊田者必置丁

戶於西莊經其田中出入即兼供西莊之賦役此版圖與順

莊所以通行北省也若乃江南澤國舟楫可通行故住此圖

者多兼業彼圖田住城郭者多兼業各圖田即田不過數十

畝亦多分散四鄉各圖者田有分圖役出一戶以一戶兼眾

役則力役難均此均田均役所以奉

旨通行也何謂均田統計一縣之田分為若干圖圖分十甲

每甲均入田若干是也何謂均役統一縣之田使各自編甲

或類聚編甲以圖中第一甲當本圖一年之役至十年而週

或以本圖一六甲當本圖上下半年之役至五年而週是也

均田役之法行則按年值役之外俱可自謀身家以生以養均田役之法不行則田不可爲恒業而小民之業田者苦矣何以明其然也曰江南田畝其徭費經里已編入正項錢糧原不應復有徭役今日之役飛差而已所謂飛差者各縣不同卽一縣之差亦無定形其費亦無定數凡甲之充役者如在蘇州謂之現年地方在常州謂之總甲其當役之年凡圖中盜賊竊發鬪毆人命藏匿匪類逃人盤查私贓查報漏稅撩淺作壩修築烟墩營房橋梁馬路城郭官舍水陸木柵開造烟戶與夫浮尸無著命盜案死無棺木者一一地總是問一事失措刑辱隨之破產辦公所在多有至於大工大役如

近年開河出夫之類雖合圖公辦役費而爲地總者必任其難是以業戶之能親爲地總者必僱圖中無所事事之敝民俾充其役其僱充之價幸以田均役均通縣有成例智愚強弱貴賤同科故小民尙能供命若此法不行將按版圖以供役則版圖業戶渙散零星誰爲傳集其業田多寡不均誰爲統理且業田之人必有豪猾鄉民之別假令合圖當差而豪猾爲圖長勢必苛派鄉民若鄉民爲圖長則彼豪猾者召之不應派之不從必代爲供役由是智詐愚勇欺怯貴凌賤百弊叢生矣或謂版圖分役亦可按田之多寡分派此甚不然者也閭閻之事爭及毛錐差役之擾殃飛雞犬所謂分派者

官分之乎民分之乎官分之將惟胥吏之操縱民分之惟豪
右之指揮且凡業田一甲者用均田計之十年止役一年耳
若按版圖則田隸五圖五處當役田隸十圖十處當役夫以
一人當一圖中一年之役與以一人分當五圖十圖中共一
年之役其事勢之繁簡難易懸絕又令一圖之中有甲乙兩
人共役十日甲值前五日苟且塗塞卸役於乙乙將訟之官
乎將代之役乎訟之官官不勝其理代之役人孰甘爲代紛
紜擾攘固有盜居則版圖之難以定役也審矣議者又謂不
用版圖當以烟戶編役此又可其明其謬者也何也江南烟
戶業田多而聚居城郭者什之四五聚居市鎮者什之三四

散處鄉村者什之一二計莊房而分之無莊可分計市鎮而
分之相懸殊絕計圖而分之其業田有以萬計者有以千計
者以業千畝之圖敵萬畝之圖之役則千畝之業破以萬畝
之圖貼千畝之圖之役則花分混灑盡果胥吏之腹而良民
失業不安

國課必因之以絀夫順莊本以清課若使民不安而課反絀
豈稱奉行之職哉然則奈何曰順莊以清賦均田以均役並
行不悖者也今有業數甲田戶於此家住某莊則完糧之戶
統係之於某莊其田向編某圖分若干甲當役者仍係之某
圖若干甲圖甲雖分莊戶則一止名之曰某圖某甲某莊某

戶糧則按莊戶而催役則按圖甲而值此立法之至簡至易者也其有業出半甲者既編烟戶之某莊仍繫之以向編某圖某甲之上半甲或下半甲以分値上半年之役其業田不及半甲者則與他戶奏成半甲之數田則准甲而合戶則順莊而分分莊則田歸的戶戶立的名而詭名虛寄之弊絕合甲則類聚成聯緩急同憂勞逸同恤而相凌相詐之端泯其奉行之法先順莊編里開造的名以清戶次按號對冊逐年推收以清糧悉如李玫奏與各憲之議覈但令將推收過冊之田仍編均田之圖甲以定役其戶居他縣者其田仍照例分編無使規避至逐年推收糧則改註本名莊戶役則仍

辦原編圖甲需至銷圩再爲編定則田糧戶役若網在綱條目井然官民兩便矣伏念均田均役最爲我

朝便民善政與官收官兌之法永垂職記長老傳言康熙十三年前均田之法未奉

旨通行差徭偏重鄉民以役破家者接踵小戶附於大戶求爲代役大戶役使如奴隸謂之護腳排年其小戶田中所收半餽大戶於是棄產逃亡錢糧逋欠所在多有舊籍可查是戶役不均始則病民終則病國我

皇上明諭地方大臣將李玫條奏酌量辦理原以病民裕國則田役之均亦屬經國大計伏查敬陳芻蕘等事內准部文

並無一字議改役法則凡奉行官吏自當鑒於成憲斟酌通行定澄清之經制紹公溥之良模損益因革各得其宜永永年代奉爲典則庶幾克宣

聖明之德意者矣

昭邑志

按陶志則備載往昔之役累昭志則全錄邑人趙錫孝所議均田均役之源流覽之可知

國朝禁革差擾與民休息在官有役則給錢受僱圖甲之充役趙錫孝議中所謂現年地方也圖中有命盜公事承應官府而已至於大工大役開河出夫之類別責之各圖經造現年地方亦無有出貲之累與前明絕不相同常昭

地屬偏僻既無驛遞亦無官渡舡隻前額設走遞馬二十匹馬夫二十名奉裁存一夫兩馬額設繹夫五十二名奉裁存四名至康熙二十四年奉文併裁一切支應成規相安已久司牧者嚴查科派軫恤民隱則得矣

雜課

附

宋設在城福山二務歲辦錢一萬有零貫淳熙中裁減其額嘉熙時增置慶安梅李稅務與福山城邑共四務矣元許浦一務歲辦鈔若干錠視熙寧尤輕

明洪武初設稅課局於南門內歲辦商稅錢二千七十一萬六千三百五十九文抽分客貨兼隸之正德以後歲辦鈔四千三百七十六錠三百七十一文嘉靖四年郡守胡纘宗改議於城市各行鋪戶辦納門攤折徵鈔銀每年五百四十九兩有奇稅課局廢萬曆末年門攤課八十八兩四錢八分遇閏加三兩一錢三分五釐於城市鄉鎮開張鋪肆之家審其生

業分別等則派徵以備軍需官鈔之用

酒醋課程

宋時酒課最重郡給糯米二千四百石就縣倉糯苗關支自嘉熙元年糯苗歸府縣於是令人戶折納糯米以為酒本僅及三分之一外此則於版帳內留應解錢九百九十五貫八百八文以充糴麥造麴之用淳熙七年竟以版帳合解府帑之數撥充許浦水軍券錢歲計七十五萬三千餘緡往往鑿空取辦然亦不過資於酒課非得清酒七千餘石莫能應以是拍店零落發酒甚微再舊有醋庫官造醋以取息淳熙以後扑賣於民每日納息不過十數文支為酒務僱夫之用又有

醋錢責之寺觀庵宇每月約千餘緡並歸版帳

明洪武初歲辦酒醋錢一百四十萬三千四十文宏治十二年辦鈔四百五十三錠一貫五百六十文後裁革

國朝課稅悉歸各關口止存木地牙稅典鋪稅牛羊猪稅等項一民間牙戶每戶稅銀不等給以牙帖向無額數乾隆元年始奉

上諭定額報部 每帖一張上則三錢中次則二錢下則一錢

常熟縣三百八十四戶額銀八十兩

昭文縣六百三十戶額銀八十四兩四錢

一典鋪每戶輸銀五兩增歇不一儘收儘解

常熟縣三十五戶稅銀一百七十五兩

昭文縣四十五戶稅銀二百二十兩

一牛羊猪稅

常熟縣一十七兩四錢六分

昭文縣五兩七錢三分

一田房稅每價一兩輸銀三分給發契紙儘收儘解

鹽課 附

國朝蘇州府專行浙鹽九縣共計八萬四千四百七十引每引收市平市色銀八釐雍正六年奉文以庫平庫色九折起解司庫為佐雜養廉

常熟縣歲行松江所兼台紹二所鹽八千七十一引額徵鹽銀一百二十兩

昭文縣歲行松江所兼台紹二所鹽八千七十二引額徵鹽銀一百二十一兩八分

按舊志載前明本縣民間交納絲絹顏料藥材等項

國朝俱攤入地丁錢糧一條編徵辦解全不擾民 見田賦門

關權 附

許墅關始元至正間明代景泰後差工部主事一年一代

國朝因之每歲輪差部屬督理雍正初年歸併江蘇巡撫旋歸蘇州織造乾隆間歸布政司十一年巡撫帶管今歸織造專

管其所轄口岸在金匱常熟交界之嚴塘莊橫塘橋楊尖王莊九里橋六市顧二房廊下宛山蕩吳塔港及濱江沿海之徐六涇福山兩處福山口岸收出口進口商稅其貨物在福山本地銷售例不輸稅僅具結存查海關在白茆徐六涇福山添設口岸收出口商稅并查貨物進口照票俱有委員專司巡攔看守

泇關蘇常二郡界分南北南裝南卸北裝北卸外南北交互往來俱由關抽稅其境內往來不在抽稅之例常邑向無關柵後泇關於大義橋小義橋闕塘涇等處設柵守巡雖為阻遏奸商無如地處腹裏民間日用貨物以及輸租辦課之船

往來如織或橫被勒索冤苦無訴許訟連年雍正九年知縣張嘉論極陳不便之狀巡撫尹繼善移咨織造委員勘驗知腹內設柵誠為不便即行撤去就蘇常交界之處立柵以守其柵外猶有本地居民土產米糧花豆例不輸稅另立按戶按畝由縣查核給單過柵填註數目不得稍逾自移柵後巡船亦禁腹內紛擾奸商既無由飛渡而民間始往來無恐

[Faint bleed-through text from the reverse side of the page]

積貯

附 本朝順治十一年

本朝順治十一年

詔各府州縣常平倉及義倉社倉積貯備荒責成該道員稽查
舊積料理新儲每年二次造冊報部察積穀多寡分別議奏
以定功罪自後法制遞詳凡新舊交代存七糶三及獎勵捐
輸諸例載在會典雍正以來常平虧空之處分益嚴各鄉皆
設社倉董以社長乾隆五年江蘇巡撫徐士林勸諭各州縣
增置社倉九年巡撫陳大受以江蘇戶口殷繁常平倉穀舊
額大縣三萬石中縣二萬石小縣一萬六千石不敷備貯奏
請將捐納監生之穀大縣增貯一萬石中縣八千石小縣五

千石以爲實額

常熟縣常平倉貯穀二萬八千石

社倉五所共貯穀六千九百六十六石有奇

常邑總收倉曰南倉在阜成門內舊在翼京門內明正統四

年巡撫侍郎周忱建嘉靖中毀於兵火三十九年知縣黃

嘉賓移建今所基廣三十畝有奇厥二百四十間名廣積

本朝因之

常邑濟農倉在縣治北先是明洪武二十三年建預備四倉

於東西南北四鄉久而弊生糧多不實宣德七年巡撫侍

郎周忱卽宋順民倉廢址建厥百四十間名曰濟農卽今

所也成化中廢宏治八年巡撫都御史朱瑄重建厥百二

十間

明張洪有記

本朝雍正三年析置昭文縣割存其右之半常平倉二一在

白糧倉前厥三十六間一在西渡厥三十四間社倉五一

在城內一在唐市一在吳塔一在田莊一在福山共厥二

十七間

昭文縣常平倉貯穀二萬八千石

社倉五所共貯穀八千六百七十二石

昭邑總收倉曰東倉在北水門內舊在迎春門外明嘉靖三

本十九年知縣黃嘉賓移建今所厥三百六十間名曰永豐

本朝雍正三年析屬昭文縣

昭邑濟農倉雍正三年即常熟縣濟農倉之左半分置常平

倉二一在豐倉橋廩三十一間一在東倉後廩三十九間

社倉五一在城內一在梅李鎮一在張家市一在何家市

一在董浜新市共廩二十四間

按琴川志宋治平二年令向宗旦始建順民倉郎淑為記

紹興四年常平使者徐誼修之慶元三年丞傅良新其北

四年令孫應時新其南嘉定間科納和糴常熟歲至三十

萬石少亦不下十四五萬石深為民病散蓄塔院嘉熙間

令王爚增創廩屋始寬綽有餘其常平義倉又在順民倉

之北廡迨查前明張洪濟農義役兩倉記宣德間巡撫周

公忱與蘇州府知府况公鍾商出庫儲糴米三萬石勸借

富人九萬石撙節漕運浮費五萬石分貯六縣每縣置倉

六十間總曰濟農又令見役里甲每里均出米五十石邑

五百里計米二萬五千石申達上司公同取用庶免以一

科十之弊置倉二十一間名曰義役委知縣郭南專理倉

廩既成糧米充足自成化以來典守匪人倉廩悉皆頽圯

米為豪猾所侵宏治八年巡撫朱公瑄委同知萬祥重建

公廨倉宇始復舊觀

國朝慎重民天積貯是亟常平社穀著有定額責成有司

典守交替有治人無治法其深求國計民生之本乎

...

...

...

...

...

...

...

...

...

...

蠲賑 附

後漢順帝陽嘉二年詔以吳郡會稽饑荒貸人種糧 後漢書

晉孝武寧康二年三吳義興晉陵及會稽遭水之縣尤甚者全

除一年租布其次聽除半年受賑貸者即以賜之 晉書

南北朝宋孝武帝孝建二年三吳饑詔所在賑貸 宋書

齊高帝建元元年九月詔以二吳義興三郡遭水減今年田租

齊書

明帝建武二年吳晉陵二郡失稔之鄉蠲三調有差 同西

宋太宗雍熙二年九月蠲江浙諸州民逋租

真宗咸平二年江浙春霜害稼分使發粟賑之

大中祥符七年淮南江浙饑除其租

乾興元年詔蘇湖秀州民饑貸以廩粟已上俱宋史

哲宗元祐六年詔賜米百萬斛錢二十餘萬緡賑濟浙西諸郡

翰林學士承旨知杭州蘇軾言浙西二年諸郡災傷今歲大水蘇湖常水通為一杭州死者五十餘萬蘇州三十萬未數他郡今既秋田不種正使來歲豐稔亦須七月方見新穀變故未易度量乞令轉運司約度諸郡合糶米斛下諸路封椿及年計上供赴浙西諸郡糶賣因此詔下賑濟文獻通考

徽宗崇寧四年蘇湖秀三州水賜乏食者粟

高宗紹興二十八年九月蠲平江紹興湖州被水民逋賦又食貨志

是年夏浙東西田損於風水在法旱及七分已上者賑濟詔自今及五分亦賑之

孝宗隆興元年以兩浙江東大水悉蠲其租已上俱宋史

元世祖至元二十五年中書省臣言杭蘇湖秀大水請輟上供

米二十萬石賑之帝是其言元史

二十九年湖州平江嘉興鎮江揚州寧國太平七路大水免其

田租又太平寧國平江饒常湖六路民艱發粟賑之同上

成宗大德五年平江等十四路大水以糧二十萬石隨各處時

值賑糶續文獻通考

十一年十一月平江等處大饑發糧五十萬一千一百石賑之

泰定帝二年五月平江等十二郡饑賑糶米三十二萬五千餘

石同上

順帝至正八年平江松江水災給海運糧十萬石賑之元史

明太祖洪武二年十二月賑應天蘇松諸府貧民通志

三年五月賑蘇松飢民典

四年免蘇州府秋糧盧志

七年五月辛巳賑蘇州饑民三十萬癸巳減蘇松嘉湖極重田

租之半

八年十二月遣使賑蘇州湖州嘉興松江常州太平寧國杭州

水災

九年七月蠲蘇松嘉湖水災田租

十年春賑蘇松嘉湖水災

十一年五月存問蘇松嘉湖被水災民戶賜米一石蠲逋賦六

十五萬有奇七月蘇松揚台海溢遣官存恤已上俱明史

成祖永樂二年六月賑松江嘉興蘇州湖州饑續文獻通考時定淹處給米則

例每大口米一斗六歲至十四歲六升五歲以下不與每戶有大口十口以上止與一石其不係全災內有缺食者每日借米一斗二口至五口二斗六口至八口三十一日蠲蘇松

嘉湖杭水災田租

三年六月遣戶部尙書夏元吉等賑蘇松嘉湖飢九月蠲蘇松

嘉湖水災田租凡三百三十八萬石

四年九月賑蘇松常杭嘉湖流民復業者十二萬餘戶

十二年十一月蠲蘇松嘉杭湖水災田租四十七萬九千餘石

十三年十二月蠲順天蘇州鳳陽浙江湖廣河南山東州縣水

旱田租 已上俱明史

宣宗宣德六年遣官覆視蘇松諸府災傷蠲其稅八月巡撫周忱奏置蘇松等府濟農水次等倉以備賑卹 續文獻通考

七年詔蠲蘇松水災田租 舊通志

八年以濟農倉米賑蘇州飢民 明通紀

英宗即位五月戶部言浙江蘇松荒田稅糧減除二百七十七萬餘石請加覆覈帝以覆覈必增額為民患不許

正統五年十一月免蘇松常鎮嘉湖水災稅糧

十年八月免蘇松嘉湖十四府州水災秋糧

十二年四月免蘇松常鎮被災秋糧

景帝景泰五年九月免蘇松常揚杭嘉湖漕糧二百萬餘石

六年九月賑蘇松飢民米麥一百餘萬石

英宗天順五年三月免蘇松常鎮被災稅糧 已上俱明史

孝宗宏治五年二月詔以水災免蘇松等府衛糧草子粒有差

十一月免應天蘇松常鎮太平寧國七府四年夏稅秋糧 通志

七年九月以水災停蘇松諸府所辦物料留關鈔戶鹽備賑 明史

八年五月以水災免應天蘇松常鎮等府宏治七年糧草子粒

有差又免本年夏麥十之三十一月以澣墅關今年秋冬二

季并明年春夏二季課稅銀留賑蘇松常鎮四府飢民 舊通志

武宗正德元年十二月以蘇松等府旱災令無災處所免軍米

及兩京俸糧共折五十萬省其耗費以補災傷地方起運之數

五年以蘇松常三府水災比起運水糧俱量改折各衛所屯田入子粒并視災之輕重蠲免

七年以旱災免蘇松常鎮四府秋糧有差

十四年以蘇松常鎮等府水災蠲免夏稅有差已上俱舊通志

世宗嘉靖二年應天蘇松淮揚徽池等郡徐滁等州大旱特留

蘇松折兌銀兩折鹽價蘇常粳白米潞墅關鈔課應天府缺

官皂薪贖鍰等金并發太倉銀二十萬兩折漕米九十萬石

賑之明典彙

七年以蘇松被災蠲免全稅發太倉庫銀一百萬兩抵補起存

錢糧餘行賑濟

三十三年以蘇松等府兵荒相繼盡蠲本年存留錢糧改折起運之半

四十年以蘇松等府水災改折起運糧米停徵宗人府米折京

庫折草布絹等銀仍留關稅與各府引價事例銀賑濟已上俱舊

通志

神宗萬曆九年四月賑蘇松淮鳳徐宿災

十年十月蘇松大水蠲賑有差

十七年南畿浙江大旱太湖水涸發帑金八十萬賑之已上俱明史

二十九年以蘇松等府水災視各州縣被災輕重改折漕糧有

差續文獻通考是年十一月戶部覆直隸巡按何熊祥題蘇松水災異常乞將嘉定縣永折漕糧姑准減折一年無分

正改每石折銀五錢以後仍照原題起解被災十分江陰一縣被災九分以上太倉吳江崑山武進江陰宜興金壇七州

縣本年漕糧俱准改折七分仍徵本色三分被災八分以上

長洲吳縣常熟華亭上海青浦無錫丹徒丹陽九縣俱徵改

折五分仍徵本色五分其改折之數不分正改照例每石折

銀五錢連席板耗脚輕齋在內同本色齊徵其改折項下運

軍月糧亦准扣數免編及查靖江縣雖止七分以始念疲

邑准將該年應解南京光祿寺白糧每石折銀八錢四門倉

糙米每石折銀六錢與別縣本色一同徵解南京戶部其正

徵帶徵金花銀兩等項已經差官守催速令追完解進及南

京各衛倉米已經題准改折無庸別議奉旨是

三十六年蘇松常鎮四府水災詔留稅銀正萬兩賑濟明通紀

熹宗天啟七年蘇松常大水免本年起存額賦有差

莊烈帝崇禎十四年大旱詔蘇松等府漕米改兌麥折三分俱舊

通志

本朝

世祖章皇帝順治二年平定江南蠲免本年稅糧十分之七兵

餉十分之四明末無藝之徵盡永除之

八年蘇松等府大水改折秋糧十分之六又賑濟蘇州等處飢

民

九年大旱江蘇等處改折漕糧免派耗米

聖祖仁皇帝康熙四年蘇松等府水災蠲銀米停徵有差

九年蘇松淮揚等處大水被災田地漕白米攤徵仍蠲起運改

折十分之三常熟縣被災田地蠲免漕白二項米十萬一千
六石八斗一升一合二勺又解南米一千四百五十八石一
斗五升五合三勺又折徵銀兩并加四加三耗米一概蠲免

十二年四月

詔以蘇松常鎮淮揚六府連年災荒將十三年地丁正項錢糧
蠲免一半

十七年江南水災蠲停地丁漕項銀兩有差又動支正項錢糧
買米賑蘇常等處

十八年三月至八月不雨奉

旨舊欠十年十一年二年錢糧俱蠲免其十三四五六七年錢糧俱

自十九年起分年帶徵又奉

旨九分十分荒者免本年稅銀十分之四七分荒者免十分之

三五六分荒者免十分之二四百一十

十九年淮揚蘇松常鎮等處大水奉

旨蠲免被災田畝錢糧十分之三緩徵本年被災田漕米於二

十年分帶徵

二十年從江蘇巡撫慕天顏之請以溧陽常熟等十八州縣疊

被重災將十九年漕糧漕項緩至二十年帶徵又從慕天顏

請太倉崑山嘉定華亭婁縣上海青浦宜興常熟九州縣册

荒田地疏請豁降奉

旨准於康熙十七年始將本折錢糧盡行蠲免常熟縣按田起科蠲免平米一萬一百三十一石五斗四升有奇

二十三年 車駕南巡詔免漕糧三分之一常熟計免漕運正耗米五萬二

千三百九十一石九斗五升有奇

二十四年六月巡撫湯斌題免蘇松等七府州屬地丁及併衛

帶徵項下十三年至十七年未完銀七十六萬八千六百一

十四兩有奇米二十萬六千四百一石有奇

二十七年 特諭江蘇所屬各郡縣應徵地丁各項錢糧俱著蠲免二十六

年未完錢糧亦悉豁除常熟計全蠲銀一十二萬八千五百

七十一兩三錢有奇

二十八年正月 聖駕臨郡恩蠲府屬歷年一應帶徵錢糧

三十年十二月 特頒恩旨各省歲運漕糧自康熙三十一年始以次各蠲免一

半

三十二年九月奉 旨江蘇安徽等處夏旱免本年漕糧三分之一俟應蠲年分徵

還

三十四年六月奉 旨江蘇安徽等處夏旱免本年漕糧三分之一俟應蠲年分徵

還

三十五年六月奉 旨江蘇安徽等處夏旱免本年漕糧三分之一俟應蠲年分徵

還

三十七年六月奉 旨江蘇安徽等處夏旱免本年漕糧三分之一俟應蠲年分徵

還

三十八年三月奉

旨江蘇安徽所屬舊欠帶徵錢糧除康熙三十三年
恩詔內已經赦免外其三十四五六年一應地丁米麥豆雜稅
俱着豁免

四十年奉

旨將江蘇巡撫所屬州縣除漕項外康熙四十一年地丁錢糧
盡行蠲免

四十一年又蠲江南地丁錢糧常熟計蠲銀一十三萬二百四

十九兩四錢有奇是年常熟水災

四十五年十二月欽奉

恩詔特將康熙四十三年以前地丁未完銀米通行蠲免次年
十月以江南大旱再奉

恩詔并將四十三年以前漕項未完錢糧概與豁免

常熟縣計蠲民欠歷年各數

二十八年分六千七百五十四兩九錢五分

二十九年分九千九百五十二兩七錢五分有奇

三十年分一萬七百一十九兩有奇

三十一年分二萬二千三百七十兩有奇

三十二年分一萬五千一百六十六兩二錢八分有奇

三十三年分二萬一千三十九兩八錢有奇

三十九年分七萬七百三兩六錢有奇

四十年分五千八百四十三兩六錢有奇又米三千七百

三三十一石四斗零

四十二年分一萬六百四十五兩四錢有奇又米二百十

石八斗零

四十三年分一萬九百六十三兩八錢有奇又米七百二

石四斗零

通計銀十八萬四千一百五十八兩五錢八分米四千六

百四十四石六斗

是年又開除江南坍海田灘額賦常熟勘免七十四頃一十八

畝二分一釐三毫該平米一千三百六十二石二斗九升一

合三勺

四十六年江蘇等處旱災十月奉

旨本年所徵漕糧每州縣或留八九萬石或留十萬石酌量賑

濟

是年十一月欽奉

恩詔以江浙賦役繁重民鮮儲蓄特將四十七年分漕項地丁

錢糧預行蠲免常熟計蠲銀一十九萬七千三百五十兩有

奇

四十七年水災又奉

常陽合志 卷之三
恩蠲常熟地丁白糧正米等項共二萬四千五百五十二石有奇又緩徵災漕正耗米一半

是年十月再奉 恩詔以江浙歲比不登生計益匱特將四十八年分地丁錢糧預行蠲免常熟計蠲銀一十二萬九千七百五十六兩六錢四分有奇

恩旨又以江西湖廣漕糧三十餘萬石至蘇松減價平糶

五十一年十月欽奉

恩詔天下地丁錢糧以次通蠲明年輪蠲江南并免歷年舊欠常熟計全蠲五十二年分地丁銀一十三萬五百二十三兩

有奇

又免四十六年分未完地丁銀五萬五千二百一十九兩有奇

又免四十九年分未完地丁銀一萬三千四百六十八兩有奇

五十四年蘇松淮揚等屬水災蠲免地丁銀米有差仍賑濟飢民常熟計蠲銀一萬七千八百六十二兩六分九釐

五十五年欽奉

上諭除康熙十九年訂定全書原額人丁暨二十年起至五十年止審增人丁外自後滋生人丁永不加賦

常熟詳田賦門

五十六年十二月欽奉

上諭恩蠲歷年民欠地丁銀又免徵歷年民欠漕項銀米之半
常熟計蠲民欠地丁銀

四十四年分三十一兩二錢二分

四十五年分三萬七千六百六十五兩四錢零

五十年分二萬四百九十二兩六錢零

五十四年分三萬五千五百九十七兩九錢零

常熟計免民欠漕項銀米一半

四十四年分銀六千四百四十一兩四錢零米五百九十

石六斗二升四合

四十五年分銀六千五百五十八兩五錢零米五百三十

八石一升五合

四十六年分銀一萬六百五兩三錢零米一千一百九十

一石三斗七升三合

四十七年分米八百二十八石三斗四升

六十年旱災賑濟蘇松常鎮揚所屬州縣飢民奉

旨量免常熟災戶地丁銀五千五百九十二兩九分八釐二毫

又蠲米六百九十石二斗七合

世宗憲皇帝雍正元年六月奉

旨蠲江蘇各屬康熙十一年至五十年未完地丁銀七百二十

九萬六千二百九十兩零米豆四十三萬七千二百二十石
零又蘆課等銀一十九萬二千七百三十三兩零

是年十二月賑濟蘇松常鎮淮揚六府屬二十四州縣被水飢
民

二年六月欽奉

恩詔特將康熙四十六年起至五十年止一應地丁漕項銀米
并積年蘆課民欠概與蠲除

是年旱災蠲免蘇松常鎮淮揚所屬十五州縣本年被災地丁
銀七萬三千八百五十餘兩米豆六千五百四十餘石仍賑
濟飢民緩征漕米常熟計蠲災戶地丁銀二萬二千八百三

十二兩八錢有奇又蠲米豆二千七百六十九石有奇

三年常熟始分置昭文縣三月欽奉

恩旨減免蘇州府正額銀三十萬兩松江府正額銀十五萬兩
著爲定例

計常熟縣減銀二萬五千二十六兩五錢一分五釐零

計昭文縣減銀二萬五百八十七兩一錢一釐零

是年十二月又以蘇松常鎮揚太通七府州被災蠲免二年蘆
課銀五千二百一十餘兩

四年秋水災賑濟蘇松常鎮淮揚太邳徐所屬三十九州縣被
災飢民奉

旨免常熟昭文災戶地丁銀四千五百七十七兩三錢有奇又蠲米九百九十石九斗五升六合零

六年冬奉

旨將江蘇積欠錢糧徹底清查至十年春事竣

命戶部議寬限帶徵仍以完數作次年蠲數

十一年正月奉

旨江南常熟等二十二州縣并華亭等六州縣沿海被水地方

大賑三次再加賑四十日其有從前遺漏貧民并先可餬口

目下力不能支者亦著查明補賑

是年十二月奉

上諭江蘇雨水稍多收成歉薄著將乙卯年起運漕米截留二

十萬石於被水州縣平糶新舊條銀及本年南漕等米緩至

來年麥熟開徵仍令動支倉穀分別賑濟又將本年漕米一

半折徵

每石折徵銀一兩

十三年九月

皇上登極恩旨將雍正十二年以前各省錢糧實欠在民者一

併寬免從前江南積欠錢糧內有官侵吏蝕二項亦照民欠

例寬免

是年十月豁免各處漕項蘆課及學租雜稅等銀

是年十二月豁免雍正十二年以前帶徵緩徵漕項本折銀米

乾隆二年

恩詔再永免蘇松額徵銀二十萬兩又

命改白糧十二萬石依漕糧徵收以紓民力

計常熟縣減銀一萬八百九十四兩四錢五分零

又白糧改漕減徵經費銀七百七十七兩二錢二分四釐零

又額徵本色米內除坍荒坍海濱湖等蠲缺米減徵六百四

十石二斗六升六合

計昭文縣減銀八千九百五十九兩三錢七分一釐

又白糧改漕徵經費銀六百三十八兩七錢五分五釐

又額徵本色米內除坍荒坍海濱湖等蠲缺米減蠲五百二

十二石三斗九升七合

四年

特旨蠲江南正賦一百萬兩

十年六月

特頒恩旨直隸各省地丁錢糧自乾隆十一年為始以次各蠲

免一年各處業戶亦令酌免佃戶租米江蘇錢糧於十一年

輪免

常熟額徵折色銀七萬二千二百六十八兩三錢有奇
昭文額徵折色銀五萬八千五百九十二兩一錢有奇

十二年七月常熟昭文二縣濱海被災遵

旨動帑發粟賑濟并收埋遺骸給價造屋共發銀一萬四百六

自十九兩五錢穀十二萬二千四百八十八石八斗萬四百六

十六年正月欽奉 恩旨以巡幸江浙問俗省方廣沛

恩膏將乾隆元年至十三年蠲免江蘇積欠地丁銀二百二十

八萬餘兩

二十年欽奉

恩旨建築海塘備禦潮災塘底塘河佔廢民田豁免減則額徵

折色本色銀米等項

計常熟豁免米豆一百七十二石一斗五升五合六勺折色

銀一百一十一兩一錢九分七釐塘外民田共減則豁免

米豆三千二百九十六石八斗五升六勺折色銀二千六

兩四錢六釐

昭文縣豁免米豆一百七十二石四斗五升九合四勺折色

銀一百一十二兩四錢一分三釐六毫塘外減則民田豁

免米三千四百九十九石七斗五升八合六勺折色銀二

千一百一十一兩六錢九分一釐九毫

三十一年特奉

恩旨照康熙三十年之例於乾隆三十一年為始將應輸漕米

按年分省通行蠲免一次并飭各督撫勸諭各業戶照每畝

應蠲漕米內亦令佃戶免交一半

常昭台志 卷之三十一 蠲賑

常熟額徵本色地漕米豆十萬八千七百三十三石六斗有奇 昭文額徵本色地漕米豆八萬七千五百三十四石八斗有奇

三十五年恭遇

皇上六旬萬壽

皇太后八旬萬壽特奉

恩旨着自乾隆三十五年為始將各省應徵錢糧分年通行蠲

免一次江南一省輪在三十六年蠲免

常昭額徵地丁銀數同前

四十三年十月特奉

恩旨以江浙臣民望幸甚殷諷吉於乾隆四十五年五月啟

鑾巡幸江浙再沛

恩膏着於庚子年為始將天下漕糧復行普免江蘇蘇州府即

於四十五年輪免

常昭額徵地漕米數同前

五十年旱災欽奉

恩旨地丁漕米分別蠲免緩徵

計常熟縣蠲免額徵折色正耗銀三千三百九十兩六錢四

釐

緩徵額徵折色銀正耗銀四萬一千八兩二錢六分三釐

蠲免額徵本色米豆五千一十七石五斗三升七合三勺

緩徵額徵本色米豆四萬一千八十石九斗六升八合七

勺

計昭文縣蠲免額徵折色正耗銀一千七百八兩七錢五分

九釐 蠲免額徵折色正耗銀二萬三千二百二十九兩五錢八分四釐

蠲免額徵本色米豆二千六百四十九石二斗三升九合

七勺 蠲免額徵本色米豆三萬一千三百四十五石六斗九升

十一合 蠲免額徵本色米豆三萬一千三百四十五石六斗九升

五十五年恭遇

皇上八旬萬壽

恩詔普免天下錢糧分省輪免江蘇省於五十七年輪免蘇州府屬即於五十七年蠲免額徵地丁等銀全行蠲免至漕項

一欵照舊全徵 常昭額徵地丁銀數同前

五十六年九月欽奉

恩旨常熟昭文等處秋禾被水勘不成災本年應完民屯漕米錢糧緩至次年麥收後分作兩年帶徵欽此

計常熟縣緩徵地漕銀一萬一千三百六十三兩九錢五分

八釐

緩徵耗銀五百六十八兩一錢九分八釐

緩徵米豆一萬八千六百五十四石九斗四升六合一勺

計昭文縣緩徵地漕銀六萬三千二百二十九兩七錢四分

一釐

緩徵耗銀六百六十一兩四錢八分七釐

情緩徵米豆二萬二千六十一石八斗九升三合五勺

五十八年九月欽奉

恩旨常熟昭文等處二十九州縣並坐落蘇州太倉等處六衛

正秋禾被水勘不成災本年應完民屯漕米錢糧緩至來秋後

分作二年帶徵欽此

計常熟縣緩徵地漕銀二萬六千兩七分五釐

恩旨緩徵耗銀一千三百兩四釐

緩徵米豆四萬三千一百七十七石四斗四升七合

計昭文縣緩徵地漕銀二萬五千二百十兩四釐

緩徵耗銀一千二百六十兩五錢

緩徵米豆四萬一千五百七十六石八斗四升八合一勺

是年十二月欽奉

特旨敬念

聖祖仁皇帝御極六十年普免錢糧一次漕糧一次朕敬承統

緒蠲免次數視康熙年間更有加增允宜渥沛恩膏俾閭閻

共臻樂利我子孫繼膺大統亦當以朕之心為心愛養斯民

推恩行慶若能頻施曠典視朕有加實我大清國億萬年無

御世名志 卷之二
疆之休若靳惜恩膏有所弗逮卽非所以善繼善述設彼時
大臣中或以經費有常儲蓄宜裕爲詞者似爲國用起見易
於動聽不知民爲邦本爲民正所以爲國其言斷不可聽從
聖也者將此旨敬謹存記俾我世世子孫遵循弗替以期永臻
郵治欽此

五十九年欽奉

恩旨以享國之年幸遇甲子壽祚延洪實爲古今罕觀之盛事
所有六十年各省應徵漕糧再加恩普免一次經部臣奏准
應自六十年爲始定爲五年各省分年以次輪蠲其漕糧欸
內有例徵折色及民戶輸銀官爲辦漕之項照上屆概予蠲

免所有隨漕等項銀米以爲停運丁舡支給月糧之用仍照
額徵收江蘇省錢糧於第三年輪免其免山東安徽二省漕
糧輪在第一年河南湖北湖南三省輪在第二年浙江省輪
在第四年江西省輪在第五年續經奏准欽奉

恩旨將各省應徵漕糧通行普免一週其輪蠲省分先經戶部
議定以乾隆六十年爲始分爲五年替行輪免第一年免山
東安徽二省漕糧六十萬五千一百餘石第二年免河南湖
北湖南三省漕糧四十萬四千一百餘石第三年免江蘇省
漕糧一百九十二萬九百石第四年免浙江省漕糧九十五
萬五千餘石第五年免江西省漕糧七十七萬六百餘石

經臣等以湖南正值用兵勦辦苗匪之時奏准將原議明歲同時輪免之湖南湖北改爲本年蠲免在案惟查湖北湖南河南三省原係明歲同時輪免既將湖北湖南漕糧改爲今年歲第一年蠲免則明歲第二年輪免止有河南一省漕糧二十一萬八千餘石與第三年輪免之江蘇省漕糧一百九十二萬九百石比較數目多寡懸殊臣等公商議將第三年輪免之江蘇省額徵漕糧一百九十二萬九百石照乾隆四十四三年之例先將松江常州鎮江太倉海州通州等六府州屬額徵漕糧九十三萬五千二百石改爲明歲第二年與河南省同時蠲免其該省之江寧蘇州揚州徐州淮安等五府屬

額徵漕糧九十八萬五千七百石仍照原議在於第三年輪免其第四年輪免之浙江省第五年輪免之江西省亦照原議毋庸另議如此辦理各年蠲免糧數既爲適均而各省漕糧仍係五年之內普免一週於倉儲民生均有裨益

五十九年十二月初三日奉

上諭前因六十年乙卯元旦日食上元月食雖薄蝕躔度可以預行推測所謂千歲之日至可坐而致但稽古史傳所載遇有日食月食等事往往下詔求言以示修省朕思上天垂象固宜戒慎而應天以實不以文與其託諸空言孰若施諸實政前已降旨普免天下應徵漕糧俾海宇子民共臻樂利今

常昭合志 卷之三十一
思各省尙有節年民欠及因災帶徵未完銀穀俱應按限徵輸者小民究因官欠未清未得遂其含哺之樂朕仰邀昊眷在位六十年寰宇甯謐景運增隆丙辰年卽屆歸政今若於朕臨御之年覃敷恩賚俾小民節年欠項廓然一清得以戶戶慶盈寧其遊化宇所謂修德愛民孰大於是而修刑亦概於是矣以此上應垂象感召休和實屬吉祥盛事所有各省節年正耗民欠及因災緩徵帶徵銀穀著各督撫詳晰查明按照該省所屬之某州某縣實欠在民銀穀若干速行開單具奏到日降旨豁免並著先將此旨謄黃宣示俾鄉村鎮市咸使周知得以共沾實惠官吏胥役等無從影射侵冒以副朕

子惠黎元敷錫延禧至意俾普天羣黎無一負欠者喜孰大於是該部遵諭行欽此

六十年二月十一日奉

上諭前經降旨普免天下積欠錢糧令各督撫查明具奏茲據該督撫等將江蘇省節年民欠及因災帶緩地丁漕糧等銀糧米豆開單呈覽所有節年民欠及因災帶緩等銀一百一十二萬五千一百九十九兩零米豆麥等項四十五萬九千二百七十五石零俱著加恩全行豁免用示普錫春祺惠民益下至意欽此

常熟縣計免折色本色數

乾隆五十六年分未完民欠正銀五千五百六十一兩四錢五分七釐 耗銀二百七十八兩七分三釐

五十七年分未完民欠仍徵蠲剩地丁耗銀六百六兩五錢九分六釐

五十八年分未完民欠正銀二萬三千一百六兩五錢二分一釐 耗銀一千一百五十五兩三錢二分六釐

五十六年分未完民欠米九千一十九石四斗七升二合六分 耗銀一千三百八十八石三斗

八升四合八勺

昭文縣計免折色本色數

乾隆五十六年分未完民欠正銀六千二百六十兩一錢

三分九釐 耗銀三百十三兩七釐

五十八年分未完民欠正銀二萬一千四百二十二兩四錢一分八釐 耗銀一千七十一兩一錢二分一釐

五十六年分未完民欠米一萬八百一十六石二斗六升九合七勺

五十八年分未完民欠米四萬七千七百五斗一升八合九勺

乾隆六十年十月欽奉

恩旨據該督撫等查奏各省未完節年正耗地糧等項等銀一

常昭合志 卷之三十一
恩千七百十餘萬兩糧穀米豆等項三百七十五萬餘石零俱
已加恩全行豁免內奉天山山西四川湖南貴州廣西等省向
俱年清年款並無積欠俱著加恩於下年正賦寬免十分之
二該督撫酌定章程報部查核欽此
乾隆六十年十月奉

上諭朕自臨御以來勤求民隱日有孜孜惟期藏富於民家裕
人足節經普免天下漕糧三次地丁銀兩四次其餘遇有偏
災蠲賑不下千萬億兩近將各省積欠錢糧槩行蠲免又復
數十餘萬兩所以子惠元元休養生息者至周且渥今朕紀
年慶符週甲丙辰元旦舉行歸政典禮爲嗣皇帝登極初元

大廷授受篤祐延釐實爲曠古吉祥盛事允宜廣沛恩綸俾
薄海羣黎共沾湛愷本欲新正傳位後降旨但思二月間卽
屆開徵之期恐遠省接奉稍遲着卽將嘉慶元年各直省應
徵地丁錢糧通行蠲免以示朕與嗣皇帝愛育閭閻用錫恩
施至意其如何按年蠲免之處該部查向例核議具奏欽此
續經戶部奏准查乾隆十年三十五年四十二年五十五年
共普蠲過天下錢糧除蘆課一項例不蠲免外其地丁錢糧
額徵銀約二千八百七十二萬三千餘兩向係按照各省地
丁數目均勻搭配分作三年輪免續於乾隆五十五年普免
錢糧以分省輪免各直省邀恩年分有越至一二年之後者

雖皆普沐

鴻慈究恐一時未能

溥遍擬將各直省實在額徵銀數將所屬之各府直隸州次第

均勻搭配分作三次按年輪免每年應免三分之一仍按上

三屆普免之例通計三年一律蠲完等因奏准在案現在欽

奉

恩旨再行普免各直省地丁錢糧臣等公同酌擬仍請按照五

十五年普免之例通計二年一律蠲完是一生之內各直省

均得仰沐

鴻慈普沾

渥澤並令各該督撫府尹查明先儘災緩各府州縣作為首次

蠲免分別先後銀數造冊按年具題至應徵地丁錢糧內隨

徵耗銀一項係充地方一切公用並非解部之款節次普免

案內定議照例輸納此次亦應照舊徵收留充地方公用所

有各省歲需經費銀兩或有不敷臣部再行籌酌辦理伏候

命下行文各該督撫府尹按照臣部指示情節允行出示曉諭

並即悉心核議具題到部候部覆到日遵照辦理務使編氓

均沾實惠倘有不肖官吏於奉文後仍敢延擱私徵各該督

撫等即行嚴叅重究如督撫等不行叅究別經發覺及被科

道等官糾叅並將該督撫嚴加治罪

常昭兩邑歉歲歷次合邑捐輸

雍正十年七月常熟昭文颶風海溢濱海田廬被水溺斃

人口十一年欽奉

前恩旨賑濟截漕平糶漕折緩徵糧道姚公孔鈞率常熟縣

命不許張公嘉論昭文縣勞公必達同紳士等捐輸紳商士民

共捐米四千二百石銀五百四十兩共賑戶口六萬九

千六百人兩縣各設粥廠常邑剩米二百八十四石昭

文邑剩米八百四十石存貯社倉積貯糧道姚公孔鈞碑

記在儒學二門

乾隆四十年常邑西鄉秋旱知縣劉公沅同紳士等捐輸

紳商士民共捐米三千一百二十四石三斗六升五合

每石折錢二千文共折通足錢六千二百四十八千

七百三十文散給西鄉各都圖共六千七百九十八戶

內大口一萬三百九十三口小口一萬八百六十八口

共給米錢五千八百四十二千二百文餘存錢四百

六千五百三十文詳充游文書院修理公用常邑劉公

沅有碑在縣署大堂

乾隆五十年常昭秋禾被旱常熟縣李公程蓮昭文縣王

公錦同紳士等率商民共捐折米通足錢二萬一千九

百六十二千五百三十六文散給常西鄉頭二三賑足

錢一萬八千六百四十六千一百十文昭東鄉一賑共
發足錢一千二百七十一千二百七十文兩邑在城附
郭共發足錢四百七十五千四百五十文除一切雜費
用五百十四千五百三十文已上各項共計通足錢二
萬零九百七千三百五十文實應存足錢一千千五十
四千一百八十六文詳充游文書院膏火生息公用紳
士經理公勒捐碑在常邑城隍廟大門

乾隆五十八年常昭兩邑低區被水田禾歉收兼以時疫
貧民度日維艱兩邑紳士商民設局常邑城隍廟勸捐

發錢代賑常邑設四廠新莊唐市昭邑設四廠新塔白

任陽 里村查明極次貧民大小七萬一千餘口初續兩賑

共計散給飢口錢一萬一千六百十六千八百文

布之屬曰棉高鄉所種亦有麻苾所產至少

蔬之屬葺生松楊下者味美而無毒鄰邑所無

花之屬曰海棠出文村者花瓣特異曰重臺白蓮見石林避暑

錄云出常熟今無

果之屬有頂山栗相傳周孝子所攜以奉母者有韓墩梨方蒂

柿蠟櫻桃俱見矣郡志稱貴品舊志又有上院無核枇杷今

皆無有昔賢不欲以類入志恐貽民累然昔有而今無則又

不可不書以備故實

藥之屬舊志止香附天南星二種其後品類漸廣而所產不多

村監搜取以求微利亦間有異名今亦不錄

禽之屬曰刺毛鷹卽桑扈也味特美花鷄竹鷄次之

魚之屬曰大麥青卽鯖魚之大者出海道以麥熟至故名味極

腴鄰邑所未有鱒魚出海道往時多在江陰界其後移產福

山港口河豚春初沂江流而上邑居江下流故食之最早鱸

魚出海道者比湖產爲大蟹出潭塘者巨而美俗名金爪蟹

